

春秋左氏傳賈服注輯述四
襄

502
4



18
502
4

所錄文
有物部

波
四
4

學樓圖

春秋左氏傳賈服註輯述卷十一

嘉興李貽德學

襄公

元傳晉韓厥荀偃帥諸侯之師伐鄭入其郛 賈曰韓厥荀偃帥

諸侯之師謂帥宋衛滕薛伐鄭齊魯曹邾杞次於鄆故諸侯之師

不序也入郛不書者晉人先以鄭罪令於諸侯故書伐鄭入郛既

敗鄭不復告故不書

本疏

案正義曰傳惟言諸侯之師不見諸侯之國未知諸侯之師是

何國師也於是東諸侯之師次于鄆以待晉師則次鄆之師皆

不與伐鄭此諸侯之師其中必無齊魯曹邾杞也案上圍彭城

除此五國以外猶有宋衛莒滕薛下云晉侯衛侯次于戚以為之援則衛師從伐明矣明年戚之會知武子云滕薛小邾之不至皆齊故與戚之會始怪滕薛不來明此時伐鄭滕薛在矣東諸侯皆次于鄆莒在齊魯之東若其在此當與東人同次前圍彭城亦無小邾此時或無莒與小邾耳諸侯之師當是宋衛滕薛也以上孔疏案入鄆當告而書之今不書者以傳例聲罪致討曰伐鄭從楚同伐彭城晉士魴來乞師孟獻子會盧杙雖為救宋實先以伐鄭之故令之諸侯矣及入鄆敗鄭略而不告故不書於經

敗其徒兵于海上 服曰洧水名鄭世家注

案鄭語主芟驪而食溱洧是鄭有洧水漢書地理志潁川郡陽城自注陽城山洧水所出東南至長平入潁過郡三行五百里

年二傳是棄功與言文釋

案杜本作棄力釋文棄力服本作棄功臧氏琳曰當從服本作棄功言楚有功於鄭也

年三傳使鄧廖帥組甲三百被練三千 賈曰組甲以組綴甲車士服之被練帛也以帛綴甲步卒服之凡甲所以為固者以盈竅也帛盈竅而任力者半卑者所服組盈竅而盡任力尊者所服本服疏曰以組綴甲初學記二十七

案考工記函人云犀甲七屬兕甲六屬合甲五屬注屬謂上旅

夏月言車文 卷一 二
下旅札續之數也疏云一葉爲一札上旅之中續札七節六節
五節下旅之中亦有此節又權其上旅與其下旅而重若一疏
云謂札葉爲旅者以札眾多故言旅旅卽眾也然則凡甲聚眾
札爲之鄭讀屬如灌注之注謂其相連注也太元二規比札爲
甲是札必相比而後爲甲其相連比必綴以絲帛之類詩叔于
田序繕甲治兵國策綴甲厲兵越絕書吳內傳云越王反國皆
得士民之眾而欲伐吳乃使之維甲維甲者治甲系詩闕宮貝
冑朱綬疏曰朱綬直謂赤綫耳文在冑下則是甲之所用故云
以朱綬綴之謂以朱綫連綴甲也孟子盡心注縷紩鎧甲之縷
也凡此皆爲綴札之證傳云組甲故賈服皆云以組綴甲管子

五行篇衍組甲厲兵注組甲謂以組貫甲也貫猶綴也說文綴
合箸也从彳系段氏曰聯之以絲也會意禮記內則織紩組紩
疏曰組紩俱爲條也薄闊爲組似繩者爲紩采蘋序箋釋文組
綫也疏曰組亦條之類大同小異耳雜記紩以五采注紩施諸
縫中若今時條也若然組綴甲謂以薄闊如條者施諸縫中耳
賈云車士服之者司馬法長轂一乘甲士三人故乘車稱士謂
車士服此組甲耳被當從說文作紩說文紩條屬讀若被又云
練凍繒也凍繒卽考工記之凍帛是已凍之帛謂之練此蓋以
練爲紩而以綴甲云被練者猶司常云通帛雜帛矣步卒服之
者以被練者有三千人故知是步卒也云凡甲之所以爲固者

至尊者所服賈明以製甲精粗之分為服甲尊卑之等也說文
 竅空也廣雅釋詁云盈充也蓋札相連比綴不密則空矣故紕
 之必充滿其空而後甲固周禮牛人注任猶用也晉語注力功
 也任力謂用綴屬之功裂繒為紕是條屬之闊者故盈竅之功
 半於綴組組既織文為之正義云薄闊為組較之紕為闊較之
 被練則隘矣故盈竅之功比被練為密逸周書年不登甲不纓
 滕孔晁注纓繩甲不以組足徵組甲之當盡力也尊卑所服即
 由此判杜云被練練袍正義曰文不言甲必非甲名被是覆蓋
 衣著之名故以為練袍被於身上愚謂孔氏以文不言甲必非
 甲名則文不言袍杜何由必知是練袍乎韓非子陳軫曰秦得

韓之都而驅其練甲練甲即此被練之甲非精練之甲秦能得
 韓都則甲之不練可知是被練之為甲明矣此不稱甲以已舉
 組甲則此可不煩明指矣惠氏士奇云少儀曰國家靡敝不
晁曰纓繩甲不以組蓋組甲之工靡於被練故凶歲不組滕孔
以節財也考工函人云凡察革之道其鑽空欲其窻也空窻
則堅竅滿則固帛粗故任力者半組細故盡任力呂覽有始篇
曰邾之故法為甲裳以帛高誘曰以帛綴甲即被練是也公息
忌謂邾君曰不若以組甲凡甲之所以為固以滿竅也今竅滿
矣而任力者半耳且組則不然竅滿則盡任力矣邾君以為然
高誘曰組甲以組連甲
賈氏之說蓋本於此

建一官而三物成 服曰所舉三賢各能成其職事本疏

案三賢謂解狐羊舌赤祁午

亂行於曲梁 賈曰行陳也晉世家注

案周禮夏官序官行司馬注行謂軍行列賈訓行為陳者陳亦列也說文陳作敝云列也今字皆作陣

魏絳戮其僕 賈曰僕御也同上

事君不辟難 服曰謂敢斬陽干之僕是不辟獲死之難本疏

案禮記表記事君軍旅不辟難疏曰不辟危亡之難也絳之病心如此故斬陽干之僕敢於犯死為之耳

使佐新軍 服曰於是魏頡卒矣使趙武將新軍代魏頡升魏絳佐新軍代趙武也本疏

案晉語言悼公即位使呂宣子佐下軍彘恭子將新軍使令狐文子佐之注云文子魏顛之子魏頡也又云呂宣子卒公以趙文子為文也

而能恤大事使佐新軍令狐文子卒公乃以魏絳為不犯使佐新軍據國語所云魏絳直代魏頡而魏頡未嘗離新軍佐也今以服意推之知國語文不具也魏頡始為新軍佐及呂宣子卒彘恭子以新軍將升佐下軍頡以佐升將故趙文子得佐新軍也及魏頡卒則趙武升為將而魏絳代趙武為佐矣九年傳云魏絳多功以趙武為賢而為之佐者也

四年傳恃其射也 賈曰羿之先祖世為先王射官故帝嚳賜羿弓矢使司射本疏○書五子之歌疏引同惟無嚳字

案說文弓部彘下云帝嚳射官羽部羿下云亦古諸侯也今作羿羿之俗羿之先祖亦稱羿是先王射官並得稱彘云帝嚳賜

羿弓矢者本山海經海內經云帝俊賜羿彤弓素矰以扶下國
初學記引帝王世紀云帝嚳生而神異自言其名曰俊帝俊即
帝嚳據史記五帝本紀堯為帝嚳子故堯時亦有羿見淮南本
經訓

武不可重 服曰重猶大也言武事不可大任本疏

案呂覽貴生篇天下重物也高注以大訓重大任言大用也

戎狄荐居 服曰荐聚也本疏

案杜云荐聚也正義曰服云荐草也言狄人逐水草而居徙無

常處劉炫案莊子云麋鹿食荐案見齊物論即荐是草也服言是愚

按荐服本作薦說文薦獸之所食草从薦艸管子八觀薦草多

衍漢書景帝紀或地饒廣薦草莽終軍傳北胡隨畜薦居即本
傳義尤可證古本作薦劉炫本亦作薦所引莊子文景帝紀如
氏注引作麋鹿食曰薦莊子音義出薦字引司馬云美草也崔
云甘草也郭璞云三蒼云六畜所食曰薦今翻宋本作薦是劉
炫所引當作薦不作荐荐薦通詩饑饉薦臻郊祀志引作荐臻
節南山疏云薦與荐文異義同則正義本自作荐為薦之異體
併服本劉說皆改從定本耳

六年傳子罕善之如初 服曰言子罕不阿同族亦逐樂轡以正國

法忠之至也及樂轡射其門畏從華弱之罰復善樂轡如初是為

茹柔吐剛喪其志矣傳故舉之明春秋之義善惡俱見本疏

案呂覽貴公篇不阿一人注阿亦私也不阿言不私也詩烝民柔亦不茹剛亦不吐疏云人之恆性莫不柔濡者則茹食之堅剛者則吐出之今子罕始欲正刑終則忍辱服故以茹柔吐剛擬之杜云言子罕雖見辱不追忿所以得安正義曰杜以春秋之世君弱臣強莫不蓋失掩罪以相忍為國向戌欲蓋華臣子罕不怨樂轡皆忍忿求安之事不足以為大尤知傳載此言是善其得安非尤其從惡故異於服也愚謂杜氏所言正春秋之弊習後世所大戒也傳記善惡以詔來茲如子罕之忠志不卒忍忿偷安斷無反善其得安之理孔氏祖杜誣傳失史教矣

八年傳孫擊孫惡出奔衛 賈曰二孫子狐之子本疏

案正義曰相傳為此說也

九年傳使皇鄭命校正出馬 服曰皇鄭皇父充石之後十世宗卿為人之子大司馬椒也本疏

案皇父充石見文十一年傳在宋武公之世杜氏云皇父戴公子充石皇父名宗卿者成十四年傳是先君宗卿之嗣也杜云同姓之卿皇父戴公之後故曰宗卿哀十八年正義引世族譜瑗皇父充石八世孫程公說春秋分記引世族譜皇鄭瑗從父昆弟與此云十世宗卿之子世次參差未審孰是為人傳不見名服所據想是世本文也椒是鄭字為大司馬者正義曰車馬甲兵司馬之職使皇鄭掌此事必是司馬也

使西鉏吾庀府守 賈曰鉏吾太宰也 本疏

案賈知鉏吾為太宰者以庀府守知之周禮大府玉府內府外府皆統於太宰今所使既皆六官之長則庀府守當是太宰矣劉炫以為府庫守藏於義為長正義駁劉說云百司府藏已屬左右二師上華閱討右官官庀其司向戍討左亦如之則是府庫之物二師總令羣官所主按上云官庀其司司字原兼百司若此文云庀府守自指府庫之所藏杜以府為六官之典六官之典亦府所藏然官庀其司所庀當已及之此言府守則宜指財幣言故文次於後禮記曲禮天子之六府曰司土司木司水司草司器司貨注府主藏六物之稅者此亦殷時制也宋承殷

後則府守猶是舊名其為府庫守藏復何疑乎

闕伯居商邛 服曰商邛地名 詩商頌譜疏

案釋例曰宋商商邛三名一地梁國睢陽縣也顧氏棟高曰今為河南歸德府之商邛縣城西南有商邛周三百步世稱闕臺相土因之 服曰相土契之孫因之者代闕伯之後居商邛湯以

為號 同上。本疏引相土居商邛故湯以為天下號

案史記殷本紀殷契封於商賜姓子氏契卒子昭明立昭明卒子相土立是相土為契孫詩長發相土烈烈毛傳亦曰契孫也因者禮記王制天子諸侯祭因國之在其地而無主後者注謂所因之國代闕伯之後居商邛謂代有其商邛地也湯以為號

者詩疏云商者成湯一代之大號言湯後得天下卽本商邛之
商以爲號也又引王肅書序注云契孫相土居商邛故湯因以
爲國號與服此注同詩有城方將帝立子生商箋云簡狄吞鳥
卵而生契堯封之於商後湯王因以爲天下號故云帝立子生
商如詩言商之名不始相土是湯用商因契非因相土而服以
爲因相土者就傳文立義耳蓋契之初封史記集解引鄭君云
商國在太華之陽又正義引括地志云商州東八十里商洛本
商邑古之商國商所封也是也逮至相土遷闕伯之墟其地本
不名商邛則由後追書耳若然契之封商子孫世以爲國號至
湯遂爲有天下之大號詩明云立子生商鄭故箋爲湯因之證

此傳祇敘相土服故以爲因相土不及契傳所無也其實因相
土卽因契言各有當非違詩辭至王肅每與鄭異不顧詩頌史
記之明文其注書序體例與服注傳本異而必從服說者此則
義同而意異也

棄位而姣 服讀姣爲放效之效言效小人爲淫
本疏。釋文姣徐又如字服氏同

案杜云姣淫之別名與服異服以姣效皆從交聲故讀姣爲效
小爾雅廣義男女不以禮交謂之淫禮記坊記云君子刑以防
淫是淫爲小人之事故君子制刑防之穆姜淫於僑如故自言
如此

肆眚圍鄭 服曰放鄭囚本疏

案書舜典眚災肆赦史記五帝紀注引鄭注云眚災爲人作患者也過失雖有患則赦之莊二十二年肆大眚穀梁傳曰肆失也眚災也注易稱赦過宥罪書稱眚災肆赦經稱肆大眚皆放赦罪人公羊傳釋文肆本或作佚是肆爲放赦縱佚之義服以軍中行法如祁瞞奸命之僞先歸于僕亂行皆徇以軍法豈反有赦過之事且肆以縱逸爲義施之已軍文尤不順故以放鄭囚爲義也正義曰按傳未與鄭戰無囚可放按諸侯師起鄭必設備苟無所獲豈能遽門于鄭及師之梁乎若云必戰而後有囚則十一年敘圍鄭之事不過曰觀兵于鄭南門東門而已

亦未嘗有戰事而傳明曰赦鄭囚此又何說軍禮獲則獻俘而此縱之者二十六年傳楚聲子述靡谷之役曰明日將戰行歸者而逸楚囚杜云欲使楚知之則此之縱逸亦欲其歸洩軍令以懼鄭志故下文著之曰鄭人懼乃行成軍之善謀容有然也吾三分四軍 賈曰三分四軍爲十二部本疏

案晉中上下及新軍爲四每軍各三分之一三四爲十二故云十二部也文選羽獵賦注部軍之部伍也

冠而生子禮也 賈服曰人君禮十二而冠宋書禮志

案公羊隱元年傳疏云依八代記卽少昊亦十二而冠則知天子諸侯幼卽位者皆十二而冠矣是以異義古尙書說云武王

崩時成王年十三後一年管蔡作亂周公東辟之王與大夫盡
弁時成王年十四言弁明知已冠矣書金縢鄭注云弁爵弁天
子諸侯十二而冠成王此時年十五於禮已冠士冠禮疏云大
戴禮文王十三生伯邑考攷左傳冠而生子禮也是殷之諸侯
亦十二而冠賈說與古尚書說鄭義並合

以先君之祧處之 服曰祧謂曾祖之廟也

本疏。儀禮士冠禮疏引以祧為曾祖禮

記祭法疏引曾祖之廟曰祧

案周禮守祧掌守先王先公之廟祧注故書祧作濯鄭司農濯
讀為祧禮記祭法設廟祧注祧之言超也超上去意也天子遷
廟之主以昭穆合藏於二祧之中諸侯無祧藏於祖考之廟中

諸侯無祧大夫可知乃儀禮聘禮云不腆先君之祧此云先君
之祧昭元年云其敢愛豐氏之祧鄭注聘禮云遷主所在曰祧
祧始祖也是亦廟也祧尊而廟親待賓客者上尊者是對客舉
廟例得稱祧故祭法疏曰遷主所藏曰祧者是對例言之耳若
散而通論則凡廟曰祧明廟祧得通稱士冠禮疏曰服虔注以
祧為曾祖者以其公還及衛冠于衛成公之廟成公衛曾祖故
以祧為曾祖廟是服亦以廟祧得通稱循傳文立義耳
冠于成公之廟 服曰成公衛之曾祖 本疏。儀禮士冠禮疏無之字
案史記衛世家成公卒子穆公邀立穆公卒子定公臧立定公
卒子獻公衍立云衛曾祖謂成公為獻公會祖也

且要盟無質神弗臨也 服曰質誠也無忠誠之信故神弗臨也

疏本

案質誠者國語楚語忠信之質注質誠也此常訓周禮司盟凡邦國有疑會同則掌其盟約之載及其禮儀北面詔明神是盟辭誠則明神鑒之今要盟而無忠信故神弗臨也詩大明上帝臨女箋云臨視也

十年傳會吳子壽夢也 服曰壽夢發聲吳蠻夷言多發聲數語其成一言壽夢一言也經言乘傳言壽夢欲使學者知之也

疏本

案壽夢發聲者言爲乘之發聲也吳蠻夷言多發聲者禮記王制南方曰蠻史記吳世家太伯奔荆蠻是吳在南而云蠻夷者

渾稱之耳猶楚子囊言撫有蠻夷奄征南海也長孫訥言曰吳楚則傷輕淺惟輕淺故多發聲數語合爲一言猶今之三合聲四合聲吳爲勾吳謁爲諸樊皆其徵也壽夢一言也者言長言之爲壽夢疾呼之爲乘壽夢於文爲二吳人言之如乘之一言而已爾雅釋器不律謂之筆郭注蜀人呼筆爲不律也詩瞻彼洛矣疏引鄭駁異義云齊魯之間言韎爲茅蒐與此乘爲壽夢在當時爲方言緩急之異而後世翻切實權輿於此古夢乘音相近詩視天夢夢與林蒸勝憎相韻可證也經言乘者謂十二年經書吳子乘卒服意經書爲乘其國語則爲壽夢傳故著之以曉學者公羊定五年傳於越者未能以其名通也越者能以

其名通也注越人自名於越君子名之曰越是其例也

其將不免乎 服曰免脫也言將不脫罪禍不以壽終也傳舉此

者為十九年齊殺其大夫高厚二十五年崔杼弑其君光起本也

御覽一百四十六

案廣雅釋詁免脫也白虎通壽命篇命者何謂也人之壽也天

命已使生者也命有三科以記驗有壽命以保度書洪範九五

福五曰考終命詩既醉疏引鄭注考成也終性命謂皆生佼好

以至老也服云不以壽終者以二人改其常度不得至老十九

年齊殺高厚二十五年弑其君光皆不脫罪禍也起本猶杜云

張本

抉之以出 服曰抉擻也謂以木擻抉縣門使舉令下容人出也

本疏○按杜本連下門者為可服本門者下屬

案木擻擻字當為擻說文擻弋也弋擻也擻弋轉相訓則擻弋

一物也御覽兵部引張揖埤蒼曰棋大弋也爾雅釋器檝謂之

太公六韜曰鐵環圍弋三尺三寸是軍中有弋明矣十七年傳

以杙抉其傷而死是用擻弋者皆曰抉矣正義曰縣門者編版

廣長如門施關機以縣門上有寇則發機而下之諸侯之士攻

偃陽之門已有入者縣門乃發紇抉而舉之以出門者愚按抉

而舉之即服所云以木擻抉使舉也

親受矢石 服曰古者以石為箭鏑國語有隼集於陳侯之庭楛

矢貫之石砮本疏

案說文箭矢也鏑矢鏃也爾雅釋器金鏃翦羽謂之鏃李巡注鏃以金為箭鏃也釋名釋兵云矢指也又謂之箭其本曰足又謂之鏃齊人謂之鏃說文鏃作族矢鏃也鏃利也箭鏃即矢鏃也云古者以石為箭鏃者書禹貢荊州梁州皆貢砮說文砮砮石可以為矢鏃是古鏃以石後世易以金傳云矢石服故舉古制以證有隼集於陳侯之庭楛矢貫之石砮魯語文引以明古有此矢石也

楚子囊鄭子耳伐我西鄙 服曰不書諱從晉不能服鄭旋復為楚鄭所伐恥而諱之也本疏

案傳書而經無文故知其為內恥諱也

以位序 服曰鄭舊世卿父死子代今子孔欲擅改之使以次先為士大夫乃至卿也本疏

案鄭之七穆皆為世卿此時如子良之子子耳子游之子子蟜子罕之子子展皆父死子代者今子孔使以位次相循由下歷上則故卿之子局於資格不能驟躋父位其聽國謀數年之間舊卿漸喪繼位無人獨秉國鈞操縱在手其為擅權之計至深矣正義曰若如服言惟當門子恨耳何由大夫諸司亦不順也不知門子一途亦雜廁於大夫諸司之間則三事庶職人元而途隘矣故亦弗順

十一經同盟于京城北公羊疏

案杜本作同盟于亳城北公羊傳作同盟于京城北釋文京城北左氏作亳城北疏云穀梁與此同左氏經作亳城北服氏之經亦作京城北乃與此傳同之也惠氏棟曰亳城當依服氏作京城京鄭地在滎陽隱元年傳謂之京城是也毫無考非也

傳七姓十二國之祖服曰晉主盟不自數本疏

案周禮廩人注數猶計也

賂晉侯以師惺師觸師蠲服曰三師鐘師鎛師師字依宋本增入磬師

惺能鐘觸能鎛蠲能磬也本疏

案周禮春官磬師掌教擊磬鐘師掌金奏鎛師掌金奏之鼓下

文云歌鐘二肆及其鎛磬故知為此三師也古者樂師有專藝論語云鼓方叔播鼗武擊磬襄知惺能鐘觸能鎛蠲能磬者亦以下敘鐘鎛磬之次第知之也

八年之中九合諸侯服曰八年從四年以來至十一年也九合諸侯者五年會于戚一也其年又會于城棣救陳二也七年會于鄒三也八年會于邢邴四也九年會于戲五也十年會于柎六也又戍鄭虎牢七也十一年同盟于亳城北八也又會于蕭魚九也

本疏○晉世家注略同

案會于戲當作盟于戲亳城北服本作京城北孔改服就定本也晉語云於今八年七合諸侯韋昭注不數城棣與戍鄭虎牢

以合於七也

年十三傳不猶愈乎 服曰愈猶病愈本疏

案說文瘡病瘳也愈卽瘡字方言病差謂之愈說文無愈有愉愈疑愉之隸變

年十四傳曹宣公之卒也諸侯與曹人不義曹君將立子臧 服曰

宣公曹伯廬也以魯成公十三年會諸侯伐秦卒於師曹君公子負芻也負芻在國聞宣公卒殺太子而自立故曰不義之也子臧負芻庶兄吳世家注

案何休公羊昭十年傳注以負芻爲喜時庶兄喜時卽子臧則負芻爲兄子臧爲弟以季札之語推之似然今云負芻庶兄服

君別有所據書傳殘缺不可得而知也

不獲成焉 服曰不得成戰陳之事本疏

案莊十一年傳皆陳曰戰公羊莊十年傳注合兵血刃曰戰今兩師未嘗合鬪故云未成戰陳之事

衛獻公戒孫文子甯惠子食皆服而朝日旰不召而射鴻於囿二子從之 服曰孫文子林父也甯惠子甯殖也敕戒二子欲共宴食皆服朝衣待命旰晏也從之從公於囿衛世家注

案說文誠敕也敕誠也二字互訓服故以敕釋戒儀禮燕禮云燕禮小臣戒與者是戒小臣事此云獻公戒之者燕是禮食故小臣戒之此戒二子食卽玉藻侍食於君之食故公得親戒之

然二子皆朝服而朝隆君賜若禮食然也宴食者明非禮食宴
卽禮經之燕禮經恆作燕傳恆作宴各書之例也孔氏曰曲禮
凡進食之禮左殺右裁鄭元云此大夫士與賓客燕食之禮其
禮食則宜放公食大夫禮也如鄭之言大夫與客禮食尙放公
食大夫禮明知國君與臣禮食亦當放之公食大夫之禮其禮
甚大衛侯雖則無道不應與臣禮食而得棄之射鴻知是公自
敕戒二子欲共爲宴食宴食者閒燕無事召臣與之共食耳云
皆服朝衣待命者朝衣卽朝服士冠禮主人元冠朝服注朝服
者十五升布衣而素裳也衣不言色者衣與冠同也天子與其
臣元冕以視朔皮弁以日視朝諸侯與其臣皮弁以視朔朝服

以日視朝賈疏此約玉藻而知彼皆不言臣鄭兼言臣者欲見
在朝君臣同服若然則宴食雖非大禮要是以禮見君亦當朝
服公食大夫禮云賓朝服他國之臣當食禮猶朝服則本國之
臣雖不當食禮亦必朝服故二子朝衣待君命也旰爲晏者說
文旰晚也列子湯問注晏晚暮也旰旰皆日晚之名囿者說文
云苑有垣也一曰養禽獸曰囿周禮地官序官囿人注囿今之
苑時公之囿故二子從之呂覽慎小篇說此事曰鴻集于囿虞
人以告公如囿射鴻二子待君日晏公不來至似二子不從公
也傳紀雜書不足徵也

孫文子如戚

服曰戚孫文子邑也

同上

賈服注輯述

卷十一

三

案文元年公孫敖會晉侯于戚杜云衛邑在頓邱衛縣西顧氏棟高曰世爲孫氏邑會盟要地林父以戚如晉蒯聩自戚入衛蓋其地瀕河西據中國之要樞不獨衛之重地亦晉鄭吳楚之孔道也今開州北七里有古城城亦曰戚田晉衛縣爲今東昌府觀城縣在開州東接界

師曹請爲之

服曰師曹樂人

同上

案禮記樂記乙賤工也注樂人稱工大戴記保傅篇工誦正諫注工樂人也然則師曹爲樂人卽禮經所云工也

見蘧伯玉

賈曰伯玉衛大夫

同上

郵人執之 服曰執追公徒者公如郵故郵人爲公執之

本疏

案孫氏旣敗公徒追公益急郵人乘閒執之明郵不背公故公

先如之至是奔齊追急郵人猶助公執追者以脫公於阨也

射兩鞬而還

服曰車軛兩邊又馬頸者

本疏。詩小戎疏引車軛下有也字兩邊作兩

軛

案說文鞬軛下曲者軛轅前也段注軛木上平而下爲兩均加於兩服馬之頸是曰鞬軛隸省作軛詩韓奕作厄士喪禮今文作厄毛傳云厄烏噉也小爾雅廣器作扼云衡扼也扼下者謂之烏啄釋名作扼釋車云榻扼也所以扼牛頸也馬曰烏啄下向义馬頸似烏開口向下啄物時也若然軛是大名其軛下义馬頸謂之鞬亦謂之烏噉烏噉亦作烏啄服云鞬車軛者以軛

賈服主揖也 卷十一 六
與輶同體也

王室之不懷緊伯舅是賴 賈作不壞服曰懷柔也緊蒙也賴恃也王室之不懷柔諸侯恃蒙齊桓之匡正也

木疏。釋文。壞服本作懷。

案詩時邁懷柔百神傳懷來柔安也禮記學記近者說服而遠者懷之注懷來也安也詩既懷柔連文而懷又有安義故懷訓為柔也說文緊戟衣也引伸之有覆蔽之義故以蒙訓緊方言蒙覆也廣雅釋詁賴恃也說文恃賴也是賴恃轉相訓服以王室東遷不能懷來列國匡正王室實齊桓倡之故此言為指齊桓正義引孫毓云案舊本及賈氏皆作壞杜雖不注當謂王室之不傾壞者唯伯舅太公是賴也上文不言桓公不得為賴桓

公也案上文云世胄太師自推太公後言之且太公輔周之時周道方昌諸侯震疊不容言王室不懷也釋其辭意不能懷來自指東遷以後而齊桓實首尊周室此云伯舅斷指桓公無疑若東遷以前夷厲之世王室亦有不懷此時齊之先君無功於周不當數也服謂賴桓匡正深得賜命之意至杜本懷作壞則云王室之不壞唯伯舅是賴是言王室幾壞而賴伯舅以不壞也豈非亦指齊桓若太公時正開國之初何容計及壞與不壞乎

行歸于周萬民所望

服曰逸詩也都人士首章有之

詩都人士疏

案禮記緇衣引詩彼都人士至萬民所望鄭注云此詩毛氏有

三家則亡詩疏云今韓詩實無此首章時三家列於學官毛詩不得立故服以爲逸然則服云逸詩者以三家詩無此詩也云都人士首章有之者從毛氏本也

十五年

傳屈蕩爲連尹

服曰連尹射官言射相連屬也

本疏

案周禮保氏鄭司農注五射有參連之名故知此連尹爲射官也正義曰若是主射當使養由基爲之何以使由基爲宮殿尹棄能不用豈得爲能官人也愚按周禮射人禮經司射不過詔相射儀主察射事不必精此藝者乃授此職若以爲棄能不用非官人則宣十二年傳稱楚莊百官象物而動楚之能官人者此時爲盛乃襄老實爲連尹不使養叔爲之何獨於此傳疑之

乎

富而後使復其所

服曰富賣玉得富

周禮大宰疏

案周禮賈師凡國之賣儻注儻買也說文儻爲覲之正字出部賈云出物貨也

十六年

經戊寅大夫盟

賈服曰惡大夫專而君失權也

本疏

案公羊傳諸侯皆在是其言大夫盟何信在大夫也何言乎信在大夫徧刺天下之大夫也君若贅旒然穀梁傳諸侯會而曰大夫盟正在大夫也諸侯在而不曰諸侯之大夫大夫不臣也賈服云大夫專而君失權卽本二傳爲文實以申明左氏傳也傳曰荀偃怒且曰諸侯有異志矣使諸大夫盟高厚時諸侯咸

在偃擅使諸大夫盟以君臣不敵故使諸大夫盟高厚詳傳文使是荀偃使也諸大夫承荀偃頤指國君咸在竟為戊寅之盟經既列敘諸侯會于溴梁繼之曰大夫盟所以明大夫之專也漢書五行志云至於襄公晉為溴梁之會天下大夫皆奪君政亦謂君失權也正義曰君使之盟非自專也尋繹此傳並無君使之文孔欲難賈服故違傳文恒此類也

十七年傳使夙沙衛唁之 服曰弔生曰唁以生見獲故唁之也詩載

疏馳案說文唁弔生也詩曰歸唁衛侯詩何人斯疏弔生曰唁

抑君賜不終 服曰言君義已故來唁之是惠賜也謂已無死不

以義望已是不終也本疏

不如蓋之 服曰蓋覆蓋之言左師無鷹鷂之志而蓋不義之人故尤之本疏

案漢書五行志引此傳師古注曰蓋謂覆掩其事也文十八年傳見無禮於其君者誅之如鷹鷂之逐鳥雀也隱元年傳多行不義言左師不能逐華臣而反覆掩之故尤之也

為已短策 服曰策馬捶也本疏

案說文策馬箠也是捶正字作箠箠說文云所以擊馬也捶說文云以杖擊也捶亦是擊故此稱馬捶

十八年傳吾驟歌北風又歌南風南風不競多死聲 服曰卯酉以

北律呂爲北風以南爲南風南風律氣不至故聲多死本北風無射夾鍾以北南風姑洗以南周禮保章氏疏

案惠氏棟易漢學本乾鑿度周禮太師後鄭注韋昭注定爲鄭氏爻辰圖以所列推服義知卯酉以北律呂爲無射應鐘黃鐘太呂太簇也以南爲姑洗中呂蕤賓林鐘夷則也卯爲夾鐘酉爲南呂在十二律之中亦當數之而服舉卯酉以北以南因卯爲春門酉爲秋門於位居東西之次故舉以指明南北律呂之分其實卯酉亦在律呂中也云北風無射夾鐘以北南風姑洗以南者北風內有夾鐘可證服本連卯言之言自戌至卯皆爲北也至姑洗以南服當云姑洗南呂以南言自辰至酉皆南也

疑周禮疏脫去南呂二字至本疏所引卯酉以北以南者以所引注文不全故不明也云南風北風者保章氏以十有二風察天地之和命乖別之妖祥注十有二辰皆有風吹其律以知和不不卽否字其道亡矣春秋襄十八年楚師伐鄭師曠曰吾驟歌北風又歌南風南風不競多死聲楚必無功是時楚師多凍其命乖別審矣若然周禮統言之曰十有二風師曠分南北之律呂吹之則爲南風北風鄭云其道亡矣是鄭君尙所未審後學妄測之如此云律氣不至者保章氏疏云師曠曰歌北風南風皆據十二辰之氣爲風故知風卽氣也然則言律氣不至明風不至也死聲多者保章氏所云乖別是也

春秋左氏傳賈服註輯述卷十二
 襄公十九年經公至自伐齊賈曰圍齊而致伐以策伐勳也
 傳取邾田自漵水歸之于我賈服曰刺晉偏而魯貪
 齊侯娶于魯曰顏懿姬無子其姪驪聲姬生光服曰兄子曰姪
 懿姬所從也顏驪皆其母姓聲懿諡也傳家從後言之故舉諡也
 御覽一百四十六
 案公羊莊十九年傳姪者何兄之子也諸侯娶一國則二國往
 媵之以姪娣從詩韓奕諸娣從之此聲姬為媵故從懿姬歸齊

春秋左氏傳賈服註輯述卷十二

嘉興李貽德學

襄公

十九年經公至自伐齊賈曰圍齊而致伐以策伐勳也本疏

傳取邾田自漵水歸之于我賈服曰刺晉偏而魯貪本疏

齊侯娶于魯曰顏懿姬無子其姪驪聲姬生光服曰兄子曰姪

懿姬所從也顏驪皆其母姓聲懿諡也傳家從後言之故舉諡也

御覽一百四十六

案公羊莊十九年傳姪者何兄之子也諸侯娶一國則二國往

媵之以姪娣從詩韓奕諸娣從之此聲姬為媵故從懿姬歸齊

也顏駸為母姓者姬是父家之姓宮中諸姬無以相別故各繫以母家之姓蓋二姬之母一娶於顏一娶於駸也廣韻二十七刪顏注云又姓出琅邪本是魯伯禽支庶有食采顏邑者因而著族昭二十五年傳有司馬駸戾然則二姬之母當是內娶於國如莊公娶孟任也聲懿諡也者周書諡法解不生其國曰聲柔克為懿傳家從後言之故舉諡者周禮太師大喪帥瞽而厥作匱諡注故書厥為淫鄭司農云淫陳也陳其生時行迹為作諡是生後乃得諡傳舉諡足證從死後追敘之也

諸子仲子戎子戎子嬖仲子生牙屬諸戎子戎子請以為太子許之服曰諸子妾生子也二子宋女牙公子牙戎子子牙養母也
許之齊侯許之同上
案妾生子者生當是姓之誤諸子是妾而姓子也子是宋姓故知為宋女

廢常不祥聞諸侯難光之立也列於諸侯矣今無故而廢之是專黜諸侯而以難犯不祥也 服曰立長為常明刻本長作嫡立而廢之為不祥也御覽一百四十六 聞犯謂光已列於諸侯難成光數從諸侯會盟征伐齊世家注專獨也光比於諸侯列於會盟不可黜也以難成之事犯不善御覽一百四十六

案光是聲姬所生不得為嫡鮑本作長是也白虎通封公侯篇立子以貴不以長此云立長為常者三十一年穆叔曰太子死

有母弟則立之無則立長昭二十六年王子朝曰昔先王之命
曰王后無適則擇立長今懿姬無子則光以立長當立故云常
也閒訓犯者閒讀如基閒王室之閒爾雅釋詁犯勝也言光列
於諸侯皆知其為太子矣欲以勝諸侯則事難成光數從諸侯
會盟征伐者三年盟雞澤五年會于戚是年救陳九年伐鄭同
盟于戲十年會吳于相十一年伐鄭同盟于亳城北會于蕭魚
光皆與其列故曰數從諸侯專訓獨者論語不能專對注專猶
獨也周禮典命凡諸侯之適子誓於天子攝其君則下其君之
禮一等注公之子如侯伯而執圭侯伯之子如子男而執璧言
光數與會盟攝君而行則比於諸侯矣不可獨狗已欲而黜之

難成謂閒諸侯難犯不善謂廢常不祥也祥善釋詁文

遂東太子光

賈曰徙之東遂

齊世家注

服曰東徙之東鄙也

御覽一百四十一

六

案禮記王制不變移之遂注遠郊之外曰遂遂大夫掌之東遂
蓋東遠郊之外周禮遂人五鄙為鄙書文侯之命疏引鄭注鄙
邊邑也齊語參其國而伍其鄙注鄙郭以外也東鄙東之邊邑
微逆光疾病而立之 服曰微隱匿也疾困也而立為太子

御覽一百四十

案說文微隱行也从才微聲春秋傳曰白公其徒微之爾雅釋
詁隱匿微也是微匿隱轉相訓禮記檀弓曾子寢疾病注病謂

疾困喪大記疾病外內皆埽注疾困曰病此云疾困者是以困
釋病也知立為太子者時君猶未薨也

光殺戎子尸諸朝非禮也婦人無刑 服曰婦人從人者也故不
為制刑及犯惡從男子之刑也本疏

案婦人從人者也禮記郊特牲文彼文云幼從父兄嫁從夫夫
死從子不為制刑者言婦人非無刑事特刑皆為男子而設不
專設婦人之刑之制耳書大傳曰決關梁踰城郭而略盜者其
刑贖男女不以義交者其刑宮觸易君命革輿服制度奸宄盜
攘傷人者其刑劓非事而事之出入不以道義而誦不詳之辭
者其刑墨降畔寇賊劫略奪攘矯虔者其刑死詳五刑之立惟

宮刑兼言男女餘刑皆主男子足證不為婦人制刑矣禮記文
王世子注犯猶干也說文惡過也男子之刑五刑之屬也言婦
人之刑既不專設若有干犯過惡即準男子之五刑刑之今時
所謂比照矣鄭注司刑云宮者丈夫則割其勢女子閉於宮中
宮特分男女者以男女異體故刑不得同其他不言者明刑雖
為男子而設若婦人有惡無別立之刑其墨劓剕殺並得同也
若然杜言婦人無黥刑之刑失之且傳言無刑者統言不為婦
人立刑制耳不得祇言無黥刑也

見衛在城上號之乃下問守備焉以無備告揖之乃登 賈曰衛
下與齊侯語齊侯以衛告誠揖而禮之欲生之也衛志於戰死故

不順齊侯之揖而還登城本服曰齊欲誅衛呼而下與之言固可

取之無為揖之復令登城仲博以為齊侯號衛衛慙而下云問守

備焉問衛之守高唐者衛無恩信故令疑當作今守者以無備告齊侯

善其言故揖之乃命士卒登城此說近之本疏

案余氏蕭客五經鈎沈引御覽五百四十三所載傳注以為服

注檢御覽不標服氏其所引注蓋杜注非服注孔氏曰杜于此

注皆用賈逵之說是御覽自引杜注杜注又本賈注故據杜注

為賈義焉衛下與語者謂下至城外與齊侯語齊侯以衛告誠

者爾雅釋詁誠信也揖而禮之者周禮太祝先鄭注今時擡是

也說文云揖讓也一曰手著胸曰揖儀禮鄉飲酒注推手曰揖

聘禮公揖入注揖禮羣臣是揖為禮也齊侯以揖讓加衛欲使

衛屈服而生之衛志在于死不從齊侯之揖而仍登城特牲饋

食禮注順猶從也服云齊欲誅衛呼而下與之言固可取之無

為揖之復令登城者此服辨賈注之失也仲博者彭汪之字見

釋文序錄服引其說也衛慙而下衛恥見齊侯而下城內非下

至城外也云問衛之守高唐者明非問衛也衛無恩信故今守

者以無備告明以實告之也齊侯善其言故揖之者明揖守者

非揖衛也乃命士卒登城者明非衛登城也此說近之者服謂

彭說近于理也

孔成子 服曰衛卿孔烝鉏衛世家注

案世族譜云孔成子孔蒸鉏孔達孫

二十一年經陳侯之弟黃出奔楚 賈曰稱名罪其偏本疏

案二十一年樂盈出奔楚正義曰宣十年齊崔氏出奔衛書其族也又八年宋司城來奔舉其官也又十四年宋子哀來奔稱其字也皆為無罪不書其名則書名為罪之文故賈以稱名為罪云偏者據傳文陳慶虎慶寅畏公子黃之偏也然傳所云偏非偏公特二子畏其偏耳故又明之曰非其罪也如賈所云于傳無徵未審斯旨

二十一年經 賈曰此年仲尼生哀十六年夏四月己丑卒七十三年卅一年傳疏

傳子盍詰盜 服曰盍何不也本疏

案盍說文作盍正義引鄭君說同

二十一年傳若不恤其患而以為口實 服曰口照宋本增實謂譴讓也本疏

二十一年經邾畀我來奔 賈曰畀我庶其之黨同有竊邑叛君之罪來奔故書本疏

案正義曰杜從賈說

傳禮為鄰國闕 服曰鄰國尚為之闕樂況甥舅之親乎儀禮聘禮疏

案杞孝公為平公之舅尊同不降當服總麻傳祇云為鄰國闕見鄰國猶闕况甥之于舅乎傳意所包服為申之杜云諸侯絕

賈月言車述 卷十二 六

期故以隣國責之非也 君子謂慶氏不義不可肆也 服曰傳發此言為不書慶氏以陳

叛為楚所圍稱國以殺不成惡人肆其志也 本疏

案云不書慶氏以陳叛者傳言而經不書也傳言楚屈建從陳

侯圍陳是二慶由楚人圍之而殺之經云陳殺其大夫慶虎慶

寅不書楚圍者見二慶為眾所惡非見殺於楚是不成其肆志

也元年傳圍宋彭城非宋地追書也於是為宋討魚石故稱宋

且不登叛人也登者成也此服所本

納諸曲沃 賈曰曲沃欒盈之邑 齊世家注

惟魏氏及七輿大夫與之 服曰下軍輿帥七人 本疏

案欒盈下軍佐故下軍輿帥與之劉炫云若是主公車則當情

親于公不應曲附欒氏服言是

欒魴傷 服曰魴盈之子 本疏

案杜云魴欒氏族

啟牢成御襄罷師狼遽疏為右肱商子車御侯朝桓跳為右 賈

曰左翼曰啟右翼曰肱 本疏

案詩行葦以引以翼箋云在旁曰翼史記李牧傳多為奇陣張

左右擊之是行軍有左右為翼六月詩元戎十乘以先啟行後

漢岑彭傳注凡軍在前曰啟御覽兵部引開元文字指歸前曰

啟則啟不定是左翼之名正義曰賈為此言或當有成文也且

此傳上下先驅申驅是前軍也大殿是後軍也明啟肱是在旁之軍說文云肱掖下也肱是在旁明矣凡言左右以左為先知啟是左也

大殿商子游御夏之御寇崔如為右 服曰司馬法謀帥篇曰大

前驅啟乘車大晨倅車屬焉大晨大殿也音相似本疏

案引司馬法文證大殿之名也晨殿音相似者殿說文作殿从攴居聲古讀殿如屯周禮地官鄉師巡其前後之屯注故書屯或為臀鄭大夫讀屯為課殿杜子春讀為在後曰殿是也屯晨音相似故殿晨音亦相似也詩采芣殿天子之邦傳曰殿鎮也爾雅釋訓殿屎呻也並以音相近為義

取朝歌為二隊入孟門登太行 賈曰朝歌晉邑孟門太行皆晉

山隘齊世家注

案地理志河內郡朝歌自注曰紂所都周武王弟康叔所封更名衛是朝歌本衛地此時屬晉顧氏棟高曰在今河南衛輝府輝縣司馬貞謂在朝歌東北高氏曰太行元和郡縣志太行首始河內北至幽州連亘十三州之界凡有八陁第一軹關陁第二太行陁第三白陁此三陁在河內第四滏口陁即鄴第五井陘第六飛狐陁第七蒲陰陁此四陁在中山第八軍都陁在幽州以今日之地太行陁在懷慶府城北白陁在輝縣輝縣界連淇縣淇縣即古朝歌齊之入孟門蓋入白陁也殷紂之國左孟

門右大行蓋以紂都朝歌大行如屏擁其西北二陁分列左右
可恃以為固也是時齊輕兵深入既取朝歌則分兵為二部一
入白陁一登太行也案淮南墜形訓言九山有大行孟門高注
孟門大行之限曹孟德詩曰北上太行山艱哉何巍巍羊腸坂
詰屈車輪為之摧劉孝標絕交論云世路險巇一至于此太行
孟門豈云嶄絕喻交道特舉二山以其險也故云皆晉山隘文
選東京賦不恃隘害薛注隘險也

張武軍于熒庭 服曰張設旗鼓也 疏本

案周禮鄫長若作其民而用之則以旗鼓兵革帥而至成二年
傳張侯曰師之耳目在吾旗鼓故服知張設旗鼓以示武也廣

雅釋詁張施也施亦設也

帥東陽之師 服曰東陽魯邑 疏本

案哀八年吳伐魯克東陽而進知東陽為魯邑也東陽之師即
下文叔孫豹所帥者也

八月叔孫豹帥師救晉次于雍榆禮也 賈曰禮者言其先救後

次為得禮也 疏本

案正義云公羊傳曰曷為先言救而後言次先通君命也僖元
年齊師宋師曹師次于聶北救邢公羊傳曰曷為先言次而後
言救君也其意言君則進止自由故先次後救臣則先通君命
故先救後次賈氏取以為說

以公鉏為馬正 御覽四百三十二 賈曰馬正家司馬

案周禮家司馬各使其臣以正于公司馬鄭注卿大夫之采地各自使其家臣為司馬主其地之軍賦此馬正當是家司馬之異名定十年傳公南為馬正昭二十五年傳叔孫氏之司馬駸戾或稱馬正或稱司馬實一官也

閔子馬見之 賈曰魯大夫閔馬父

案閔馬父見昭二十六年傳

孟孫之惡我藥石也 服曰石砭石也 南史五十九

案說文云砭以石刺病也素問異法方宜論東方其治宜砭石是以石刺病為砭因即名其石為砭石一名箴石東山經高氏

之山其下多箴石郭云可以為砭針治癰腫者素問以東方砭

石南方九鍼並論蓋對例言之若散言之則石為砭亦為箴也

夫石猶生我 服曰夫謂孟孫也 本疏

猶有先人之敝廬在下 本疏

案正義曰服虔以下從上讀言敝廬在下與杜氏異

作不順而施不恕也 服曰不順謂阿季氏廢長立少也不恕謂惡孟氏立庶也 本疏

案臧孫阿順季武之意廢公鉏立悼子是作事不順理也孟氏立庶即指立羯事然羯之得立由于公鉏蓋公鉏猶挾臧孫之怨故傳言豐點謂公鉏苟立羯請讎臧氏則孟氏立庶非臧孫

賈月言車通 卷十二
十
所欲矣臧孫惡孟氏立庶故入哭甚哀多涕蓋亦知立庶之非而阿季氏廢長立少是不恕也

二十四年傳太上有立德 服曰伏羲神農 本疏

其次有立功 服曰禹稷 本疏

其次有立言 服曰史佚周任臧文仲 本疏

象有齒以焚其身賄也 服曰焚讀曰債債僵也 釋文○本疏 爲生齒

牙僵仆其身 本疏

案焚債音相近說文無焚字一切經音義二焚古文灸熯二形同則焚古文熯與債形相近服故讀焚曰債債僵爾雅釋言文桂海虞衡志欽州人能捕象象行觸機則刃下擊之中其要害

必死將死以牙觸石折之以牙爲身災也是象遭僵斃以齒牙也

部婁無松栢 服曰喻小國無賢材知勇之人而與大國等也 本疏

案說文附字引春秋傳附婁無松栢是左傳古文部作附附與部古字通文選魏都賦注引作培塿周伯琦六書正譌云俗用培塿非也服以部婁喻小國者說文云附婁小土山也風俗通山澤篇引傳亦作培塿云言其卑小部者阜之類也今齊魯之閒田中少高印名之爲部矣是部婁者卑小之阜故喻小國上文云大國之人不可與也與等也故服云不與大國等承上意也

二十五年傳齊棠公之妻 賈曰棠公齊棠邑大夫齊世家注

案棠當是孟子發棠之棠顧氏棟高以為棠後譌為堂今為東昌府之堂邑縣正義曰楚僭號稱王故縣尹稱公齊不僭號亦邑長稱公者蓋其家臣僕呼之曰公傳即因而言之猶伯有之臣云吾公在壑谷也

史皆曰吉 服曰皆二卦本疏

案二卦謂困與大過也

乃為崔子間公 服曰伺公間隙齊世家注

案說文無伺字新附字有之伺古作司荀子議兵倚契司詐注司讀為伺漢書高五王傳以為物而司之得勃注司者察視之

是也荀子王霸曰欲司閒注司閒伺其閒隙

公拊楹而歌 服曰公以為姜氏不知已在外故歌以命之也同上

案拊釋文云拍也史記作擁柱而歌則史遷以拊為擁公以姜氏既入室已在外俟姜或不知故歌以告之爾雅釋詁云命告也

君之臣杼疾病不能聽命近於公宮 服曰言不能親聽公命崔杼之宮近公宮淫者或詐稱公同上

案崔杼以病居內公之真偽莫能親辨其室又近公宮恐淫者詐稱是公爾雅釋詁詐偽也云崔杼之宮者僖二十八年傳令無入僖負羈之宮內則云由命士以上父子皆異宮是大夫士

之室古得稱宮也

陪臣于諛有淫者不知二命 服曰一曰干扞也諛謀也言受崔

子之命扞禦謀淫之人

本疏。釋文于服音如字。扞服本作諛。子須反。謀也。今傳本或作諛。猶依扞音。

案于扞爾雅釋言文諛謀釋詁文言受崔子命即傳云不知二

命也扞禦謀淫之人者崔氏欲掩其宿通之跡故稱為謀淫之

人服以扞禦訓于以謀淫之人訓諛淫者則服本當是陪臣于

諛淫者不得有有字矣正義以服為謬說不知杜本作扞服本

自作諛師讀異授各據其本之字詮釋不得指服為謬說也釋

文云今傳本或作諛是从服本又云猶依扞音是讀又从杜義

也此由六朝以來不別兩本字及音義並異致有字从服本音

從杜讀以牽合之者則後學之誤也

晏子立於崔氏之門外

賈曰聞難而來

齊世家注

故君為社稷死則死之為社稷亡則亡之 服曰謂公義為社稷

死亡也如是者臣亦隨之死亡

同上

案曲禮云國君死社稷注死其所受於天子也謂見侵伐也春

秋傳國滅君死之正也死社稷即公義為社稷而死也又國君

去其國止之曰奈何去社稷也疏云國主社稷君去故云去社

稷五經異義公羊說國滅君死正也故禮運云君死社稷無去

國之義左傳說昔太王居豳狄人攻之乃踰梁山邑於岐山故

知有去國之義也案孔氏謂公羊之說正禮左氏之說權法義

皆通也若然如太王去國正以圖存社稷故綿之詩紀遷周之事曰乃立冢土傳云冢土大社也以舊國既遭寇難不能保其社稷避地自存又可復營新制是雖曰去社稷其實公義為社稷而亡也言必如是之君臣始得或殉難或從亡也

若為已死而為已亡非其私暱誰敢任之服曰言君自以已之私欲取死亡之禍則私近之臣所當任也本疏

案服以私暱為私近者說文暱日近也爾雅釋詁暱近也言君以縱欲死亡私近之臣從君之欲者也則亦當隨君死亡

舍之得民服曰置之所以得人心同上

案廣雅釋詁舍置也此常訓

執簡以往服曰古文篆書一簡八字儀禮聘禮疏

案古文蒼頡所造大篆史籀所著說文序云及宣王太史籀著大篆十五篇與古文或異則古文與大篆不同而此云古文篆者說文序又云至孔子書六經左邱明述春秋傳皆曰古文段氏玉裁曰孔子書六經以古文者以壁中經知之左氏述春秋傳以古文者於張蒼所獻知之此云皆以古文兼大篆言之六經左傳不必有古文而無籀文也下文云取史籀大篆或頗省改兼古言之不必所省改皆大篆而無古文也秦書八體一曰大篆二曰小篆不言古文知古文已包于大篆中也王莽改定古文有六書一曰古文二曰奇字即古文而異者三曰篆書

卽小篆不言大篆知古文奇字二者內已包大篆也呂氏春秋云倉頡造大篆是古文亦可稱大篆之證故服云古文篆書也說文簡牒也爾雅釋器云簡謂之畢本書杜氏春秋序小事簡牘而已正義云單執一札謂之爲簡連編諸簡乃名爲策然則蔡邕獨斷曰策者簡也蓋亦渾言之耳獨斷又曰其制長二尺短者半之孔氏曰鄭元注論語序以鈎命決云春秋二尺四寸書之孝經一尺二寸書之故知六經之策皆稱長二尺四寸蔡邕言二尺者謂漢世天子策書所用故與六經異也簡之所容一行字耳鄭注尙書曰三十字一簡之文漢書藝文志劉向以中古文校歐陽大小夏侯三家經文率簡二十五字者脫亦二

十五字簡二十二字者脫亦二十二字是一簡所受字數多寡不同而服云一簡八字者以二十年傳孫林父甯殖出其君名藏在諸侯之策則當加衛字及君之名是字數不止孫林父甯殖出其君八字也不止八字而云在策可證一簡所容者八字若八字以外則當書策服或據此以測當時簡書之數

下車七乘

服曰下車遣車也上公饗餼九牢遣車九乘

禮記檀弓疏○

本疏引下

車遣車也

案周禮巾車大喪飾遣車注遣車一名鸞車車僕大喪厥革車注言興革車則遣車不徒戎路廣闕革輕皆有焉司裘大喪廡裘飾皮車注皮車遣車之革路冢人大喪及葬言鸞車注鸞車

巾車所飾遣車也鄭司農云言言問其不如法度者若然則遣車是明器當如法度今葬莊公之遣車是不如法度故云下車也雜記云遣車視牢具注言車多少各如所包遣奠牲體之數也然則遣車載所包遣奠而藏之者與遣奠天子太牢包九個諸侯亦太牢包七個大夫亦太牢包五個鄭云天子九服云上公九文異者鄭據檀弓言國君七個遣車七乘云國君則當包公侯言之公侯既同七個則天子九矣服以雜記云遣車視牢具齊是侯爵今得遣車七乘則周禮大行人言上公之禮貳車九乘禮九牢由齊侯推之上公當是饗餼九牢遣車九乘也

當陳隧者并堙木刊

服曰堙塞刊削也

詩泮水疏

案堙說文作堙云塞也引書絲堙洪水是堙正字堙俗字也說文刊剝也柞氏夏日至今刊陽木而火之注刊謂斫去次地之皮說文云削一曰析也又析破木也然則剝斫析破皆謂之刊矣

祝祓社司徒致民司馬

以節司空致地

服曰祝與司徒等皆陳

人各致其所主于子產

案祓說文云除惡祭也周禮小祝大師掌釁祈號祝有寇戎之事則保郊祀于社後鄭云郊社皆守而祀之彌裁兵今陳已服鄭則裁兵可彌故祓社以除不祥知祝與司徒等皆是陳人者以祝等若是鄭人是子展預知必能入陳先備官以往無是理

也劉炫謂諸官皆鄭人在軍有此官者蓋權使攝爲之未必是
正官劉亦以司徒等爲鄭官于理未愜故臆爲此說以通之其
實當從服義爲長云各致其所主於子產者說文致送詣也白
虎通封公侯篇司馬主兵司徒主人司空主地故主人者致民
主兵者致節主地者致地各以其司送詣于子產不言兵言節
者杜氏以爲節兵符也此三官之所致者亦同上文數俘之意
蓋致其民數兵符地圖以示臣服下文子產獻捷於晉云陳知
其罪授手於我足證致是陳致於鄭惟未嘗寔取之耳

武也知楚令尹 服曰令尹屈建

本疏

度山林鳩藪澤辨京陵表洧鹵數疆潦規偃豬町原防牧隰皋井

衍沃 賈曰山林之地九夫爲度九度而當一井也藪澤之地九
夫爲鳩八鳩而當一井也京陵之地九夫爲辨七辨而當一井也
洧鹵也洧鹵之地九夫爲表六表而當一井也疆疆壘境塙之地
疆潦之地九夫爲數五數而當一井也偃豬之地九夫爲規四規
而當一井也原防之地九夫爲町三町而當一井也隰皋之地九
夫爲牧二牧而當一井也下平曰衍有漑曰沃衍沃之地畝百爲
夫九夫爲井

本疏

案山林之地者周禮大司徒注積石曰山竹木曰林藪澤之地
者散文則藪卽澤說文藪大澤也傳疏引李巡云藪澤之別名
也若對文言則藪澤異周禮太宰藪以財得民昭二十年藪之

薪蒸詩大叔于田釋文引韓詩章句云禽獸居之曰藪澤虞注
 澤水所鍾水希曰藪是也京陵之地者爾雅釋山絕高為之京
 郭注人力所作說文云京人所為絕高邛也詩皇矣傳京大阜
 也淮南覽冥訓築重京則京自人力所為爾雅京邛並舉一是
 人築一是天生也釋地云大陸曰阜大阜曰陵大陸曰阿李巡
 注土地獨高大名阜阜最大為陵釋名釋山云大阜曰陵陵隆
 也體隆高也詩釋文引韓詩章句云四平曰陵言土高而四平
 者為陵矣涇鹹也涇鹵之地者浦鏜注疏正誤也當作地說文
 鹵西方鹹地也安定有鹵縣東方謂之庶西方謂之鹵今涇鹵
 並舉鹵屬西方則涇為東方鹹地即庶矣涇斥一聲之轉儀禮

特性饋食禮涇沃注今文涇作激亦以聲轉也疆疆槩境境之
 地者上疆字下當有潦字周禮草人疆槩用蕢注疆槩疆堅者
 境境淮南子原道訓昔舜耕于歷山暮年而田者爭處境境以
 封壤肥饒相讓境本作磽漢書景帝紀郡國或磽陿無所農桑
 穀畜注磽謂磽确瘠薄也賈以疆槩訓疆境境訓潦鄭眾以為
 疆界內有水潦賈與之異者以山林藪澤以下皆對舉其名此
 獨言疆內有水則是潦一名矣故不同之以境潦聲相近因以
 境境為訓與疆槩類相從也偃豬之地者周禮敝人掌以時獻
 為梁鄭司農云梁水偃也偃水為關空疏云謂偃水兩畔中央
 通水為關孔偃今時謂之堰矣豬或作瀦周禮稻人以瀦蓄水

注蓄流水之波也通作都禹貢被孟豬史記夏本紀作被明都至于豬野水經都野澤在武威縣北注古文以爲豬野也又文水篇注水澤所聚謂之都亦曰豬釋名釋邛云澤中有邛曰都邛是偃豬皆受水之地原防之地者爾雅釋地曰可食者曰原昭元年公羊傳曰上平曰原詩公劉云于胥斯原僖二十八年傳原田每每皆言上平之地可種穀者也釋邛云墳大防詩常武鋪敦淮墳傳云墳涯也箋云陳屯其兵于淮水大防之上稻人云以防止水鄭注防豬旁隄也蓋高平尤可種穀隄防亦得耕耨本分言之正義謂此原爲隄防之閒失之隰臯之地者昭元年公羊傳曰下平曰隰爾雅釋地下溼曰隰又曰下者曰隰

李巡云下者謂下濕之地隰溼也文選秋興賦注水田曰臯史記孝武紀云閒者河溢臯陸正義引顏師古曰臯水旁地也漢書賈山傳云江臯河灑是隰臯皆近水窪下之地下平曰衍者此與大司徒鄭注周語猶其有原隰衍沃也注史記周本紀集解引唐固並同蓋下平而溼者爲隰下平而廣長者爲衍司馬相如傳注平臯之廣衍是也有漑曰沃者一切經音義四引通俗文漑灌曰沃說文作沃云漑灌也引申之則土之有水可漑者爲沃矣魯語沃土之民漢書地理志沃野千里西京賦地沃野豐皆言其肥美也賈以辨度鳩之等皆爲地名者以周禮小司徒井牧其田野明井牧是田野經界之名此云牧隰臯井衍

沃為井為牧之名與周禮合則推之度鳩辨表皆是因地以立名矣其度鳩辨表皆以九夫計數者食貨志云井方一里是謂九夫此謂平土可以為法者也故山林藪澤雖因地異名其夫數仍本井法所謂準平地為法也其曰九度當一井以至二牧當一井者食貨志云若山林藪澤原陵洶鹵之地各以肥磽多少為差若然則山林極磽之地故通率九而當一藪澤京陵洶鹵疆潦磽有等殺故通率八七六五而當一者數亦因地遞減也若偃豬則稍肥矣故通率四而當一原防隰臯則可耕者多矣故三町二牧而當一井此賦稅之差品也小司徒鄭注亦云隰臯之地九夫為牧二牧而當一井與賈同義知古制相傳如

此晦百為夫司馬法文見周禮小司徒注九夫為井亦小司徒文

二十六年傳殺子叔及太子角 服曰殺太子角不書舉重者本疏

案殺太子角不書者謂不書于經也舉重者以君為重故經祇書弑其君剽也正義曰按晉侯宋公殺其世子及陳侯之弟招殺陳世子皆書經則世子不輕於大夫也孔父荀息之徒弑君之下并亦言大夫大夫既書於經則弑君并殺世子世子亦當書不得為舉重也愚按晉侯宋公之殺世子所殺者惟世子故當書若此殺太子角因子叔而輕非謂世子概可輕也至荀息孔父之死公羊傳云何以書賢也固是春秋特例其常例則公

羊傳又曰及者何累也何休注上下大夫言及知君尊亦不得及臣子角既無孔父荀息之賢則舉君之弑不得不及矣

專祿以周旋戮也 服曰專祿謂以戚叛也既叛衛亦不臣於晉

自謂若小國是為專祿 本疏

案正義曰其意言專獨有之不屬人也若不屬晉何故被衛侵而愬於晉地若不入晉晉復何以成之傳言以戚如晉服言不臣於晉是反邛明以解傳也愚按經稱孫林父入于戚以叛不言以戚歸晉則傳言如晉者實如楚之處魚石於彭城者然於衛為叛於晉亦不歸邑儼以晉之附庸自處其急則愬於晉有兵則晉戍之晉又為之疆戚田是晉亦附庸視之實未臣屬于

晉也故曰專祿為其不屬人般桓二國之間故曰周旋孔以服義為短非也

取衛西鄙懿氏六十以與孫氏 服曰六十邑 本疏

案周禮小司徒云四井為邑六十邑蓋二百四十井又云乃經土地而井牧其田野注方十里為一成積百井則二百四十井計方二十四里以孟子方里而井井九百畝計之得田二十一萬六千畝正義云劉炫以服言為是

晉侯賦嘉樂 服曰晉侯自嘉樂 本疏

案今詩作假樂禮記中庸引作嘉樂詩序假樂嘉成王也傳云假嘉也則詩作假者假借字當作嘉晉侯賦嘉樂蓋取燕及朋

友自成王言之則朋友為羣臣自晉侯言之則朋友為同盟矣

云晉侯自嘉樂者非晉侯自以為嘉美蓋言遂其燕樂之意也

宋芮司徒 服曰宋大夫

御覽一百四十七

生女子赤而毛棄諸堤下其姬之妾取以入 服曰其身色赤而

生毛也其姬宋伯姬也

同上

案成九年經伯姬歸于宋即其姬也

平公入夕 服曰視夕也平公恭姬子

同上

案禮記文王世子載世子之記曰朝夕至於大寢之門外問于

內監曰今日安否何如注朝夕朝朝暮夕也是世子有視夕禮

公見棄也而視之尤 服曰尤過也意悅之故視之過久

同上

案說文覽注目視也此視之過久所謂覽也

姬納諸御 服曰納之平公之御

同上

案獨斷妃妾接于寢曰御周禮內宰以婦職之灋教九御注九

御女御也九九而御于王因以號焉

嬖生佐惡而婉太子瘞美而狠 服曰公嬖棄而生佐佐立為宋

元公婉婉順也佐貌惡心順太子貌美而心狠狠戾不從教

同上

案立為宋元公者從其後言之婉為順者詩新臺燕婉之求傳

說文並云順也很戾不從教者說文狠不聽从也一日盪也莊

子漁父見過不更聞諫愈甚謂之很皆為戾不從教之證故晉

語宵也很注亦云很很戾不從人也

合左師畏而惡之 服曰合左師向戍也

同上

寺人惠牆伊戾為太子內師而無寵 服曰寺人宋闞士惠伊皆

發聲實為牆戾名以公寺人為太子內師長掌內官

同上。本疏引惠伊二句

同惟無名字

案寺人為宋闞士者周禮天官序官寺人王之正內五人注寺之言侍也闞當作奄酒人奄十人注奄精氣閉藏者今謂之宦人又內小臣奄上士四人注奄稱士者異其賢此舉闞士釋寺人不必是異其賢也惠伊為發聲實為牆戾名者古人呼名往往有發聲助之今以惠伊為發聲義未聞也詩車鄰寺人之令箋云欲見國君者必先令寺人使傳告之疏齊有寺人貂晉有

寺人披是諸侯之官有寺人也正義曰公使之監知太子內事為在內人之長也正義以長釋師服云掌內官廣雅釋詁云師官也蓋為太子監知內事之官也

楚客聘於晉過宋 服曰楚客過使

同上

案時楚都郢在今荊州府江陵縣宋都商邱在今歸德府商邱縣晉遷新田在今平陽府曲沃縣西南楚聘晉或亦由宋都而達宣十四年傳亦使公子馮聘于晉不假道于鄭是由鄭達晉則常道也

夫不惡女乎 服曰夫謂太子伊戾無寵于太子故曰夫不惡女

同上。二十三年傳疏引夫謂太子也

縱有其外莫其其內 服曰言我內師也當為內師供內使也

同上

加書徵之而騁告公 服曰以書為之徵驗書盟書也騁馳同上

案徵驗者書洪範念用庶徵鄭注徵驗也書盟書者司盟掌盟載之法注載盟辭也盟者書其辭于策殺牲取血坎其牲加書於上而埋之謂之載書騁馳者說文云騁直馳也馳大驅也後

漢光武紀注直騁曰馳

公曰為我子又何求對曰欲速 服曰速疾也欲疾代公得位故

與楚客共謀弑父也同上

案速疾釋詁文

公使視之則信有焉問諸夫人與左師則皆曰固聞之 服曰有

盟也夫人佐母棄也固久也久聞太子欲為亂同上

案有盟者謂有盟書也佐此時尚未立為太子佐母亦未為夫人傳者追書之小爾雅廣詁晉語臣固聞之注並云固久也

左師聞之聒而與之語 服曰聞太子與佐期日中聒謹也欲使

佐失期同上

案說文聒謹語也一切經音義廿一引蒼頡篇聒擾亂耳孔也

說文謹謹也一切經音義九引三蒼謹言語詢詢也禮記樂記

鼓鼙之聲謹以其聒耳也左師知太子與佐期日中故多言羈

佐使之失日中期也

過期乃縊而死 服曰經書宋公殺其世子痤平公用伊戾之譖
聽夫人左師之言世子無罪而死故稱宋公殺罪之也同上

案三十年傳書曰天王殺其弟佞夫罪在王也僖五年經晉侯
殺其世子申生公羊傳曰殺世子母弟直稱君者甚之也然則
經書宋公殺其世子痤稱君以殺是罪之文也服總述上事以
宋公之昏致太子無罪被殺以明經文罪宋公之旨也

樂范易行以誘之 賈曰易讀變易之易行道也樂為將范為佐
二人分中軍別將之欲使樂與范易道令范先誘楚樂以良卒從
而擊之本疏

案乾鑿度云易一名而含三義所謂易也變易也不易也此讀

從變易之易者攷工記釋文易改是也行為道則賈音與杜讀
異釋文行戶郎反注同賈音衡行道爾雅釋宮文說文云道所
行道也成十六年傳范句曰塞井夷竈而疏行首伯州犁曰將
塞井夷竈而為行也行即戰道也樂為將范為佐者十六年傳
云樂書將中軍士燮佐之二人分中軍別將之者時中軍既結
陣以當楚軍樂范更分軍別將使迭出為奇兵也云欲使樂與
范易道令范先誘楚樂以良卒從之者宣十二年傳敘泌之戰
曰彘子以中軍佐濟韓獻子謂桓子曰彘子以偏師陷子罪大
矣子為元帥師不用命誰之罪也襄十四年傳說伐秦之師曰
樂厲曰余馬首欲東乃歸下軍從之左史謂魏莊子曰不待中

行伯乎莊子曰夫子命從帥欒伯吾帥也吾將從之是晉之軍制將先佐後此欒范易道則佐先將後佐卒少故先犯楚以誘致之然後欒以良卒繼之是欒范易行以誘之實范先率師以誘傳以易行故欒范並舉耳賈知易必是變易之易者以楚語說此事云若易中下楚必歆之韋昭云中中下中軍之下也惟其變易故云中下以見中軍之下變而先中軍之上若從韋氏以為簡易欒范之行示之弱杜以為簡易兵備則國語只須云易中軍足矣何必云易中下傳又何庸欒范並舉乎合內外傳參校知賈義為長

斿于勇 賈曰斿動也

本疏

案正義曰王肅云斿謂自矜奮以夸人王延壽魯靈光殿賦云佗奮斿以軒轡是斿為奮動之意也按齊語三斿三浴之注斿或為熏易震厲熏心虞翻曰荀氏以熏為勳讀作動是斿熏勳動古音義得通也

恭冕謹案爾雅云獸曰斿斿亦動也

以登其城克而取之 服曰取魯高魚及反之皆不書蓋諱之

本疏

案高魚無備為齊烏餘所襲取且烏餘以廩邛奔晉晉人貪之非盟主之道故春秋於取及反皆諱之不書於策也

二十七年傳公喪之如稅服終身 服曰衰麻已除日月已過乃聞喪

而服是謂稅服稅服

二字从宋本增服之輕者本疏

案檀弓小功不稅注日月已過乃聞喪而服曰稅大功以上然

小功輕不服疏云若限內聞喪則追全服王肅議限內聞喪但服殘日二說不同以疏為允服此注義與鄭同也喪服小記云生不及祖父母諸父昆弟而父稅喪已則否注稅讀如無禮則稅之稅稅喪者喪與服不相當之言疏云稅是輕稅或前後不與正時相當故云稅也按此是稅服為服之輕矣孔為禮疏亦謂稅為輕稅與服義同及為此傳疏則斥服云其服追過而服之衰麻不為有異何云服之輕者公若依彼稅服法其兄弟之服則還是齊衰期耳何以得云如也愚按杜氏曰稅即總也喪服總衰裳縷細而希無論如杜氏說改易傳字且喪服大功章總衰裳牡麻經既葬除之者傳曰總衰者何以小功之總也諸

侯之大夫為天子傳曰何以總衰也諸侯之大夫以時接見乎天子注云治其縷如小功而成布四升半細其縷者以恩輕也升數少者以服至尊也是總衰為諸侯之大夫以服天子喪者獻公子子鮮親則兄也尊則君也何居乎以諸侯大夫服天子之服服之乎蓋子鮮喪于晉公不及當時而服故用稅服為禮之正也但于禮諸侯絕旁期本可不服今仍追服之故曰如稅服又見禮之變也孔氏執杜以難服非也

仲尼使舉是禮也以為多文辭 服曰以其多文辭故特舉而用之後世謂之孔子聘辭以孔氏有其辭故傳不復載也
案後世謂之孔子聘辭者服據當時所見書也云孔氏有其辭

賈用言車過 卷十二
故傳不復載也者傳既云多文辭而篇內不述其語以已載聘辭中故不復述也此是享事而載之聘辭者聘辭所舉當非一事以聘有享賓之事故此事亦採列焉

伯夙 服曰伯夙晉大夫

本疏

故不書其族言違命也 賈曰叔孫義也魯疾之非也服曰叔孫欲尊魯國不為人私雖以違命見貶其於尊國之義得之

本疏

案叔孫以邾滕屬人不肯視之是得行事之宜故曰義也魯疾之者是時季武當國名曰違公之命實則違季武之命故命史氏去其族以疾之也夫子以無關宏旨遂本魯史舊文著之于經傳言季武子使謂叔孫以公命以見命之非出于公也其敘

叔孫與盟正見臨事能斷不詭隨以辱國體上云季武子以公命此云言違命所以證明魯史阿附季武之意去族示貶故史文如此然則罪叔孫以違命者乃魯史之意非孔子意也服云叔孫欲尊魯國不為人私者邾滕為人之私使魯視之辱國甚矣今叔孫以魯與宋衛為匹得與盟列席乎能尊國體雖舊史阿順季孫之旨去族示貶據邛明所述論情論事實得尊國之義服非違背經傳正得經傳之微旨也

趙孟為客

服曰楚

此疑燕字之誤以大夫為賓是燕之恆禮何必云楚之君耶

君恆以大夫

為賓者大夫卑雖尊之猶遠君也楚先歆為盟主故尊趙孟為客

本疏

案燕禮記曰與卿燕則大夫爲賓與大夫燕亦大夫爲賓注君但以大夫爲賓者大夫卑雖尊之猶遠于君也與此注同可證楚君之楚爲燕之誤文賈疏云按禮記燕義云不以公卿爲賓而以大夫爲賓爲疑也明嫌之義也注云公卿尊矣復以爲賓則尊與君太相近是不用公卿爲賓恐逼君大夫爲賓雖尊之猶遠於君不畏逼君也聘禮記云燕則上介爲賓今宋公以楚先歆尊爲盟主故不以子木爲賓而以趙孟爲賓猶燕禮以大夫爲賓聘禮有燕以上介爲賓示比楚稍降也魯語云公父文伯飲南宮敬叔酒路堵父爲客是當時大夫燕飲猶存此意杜云客一坐所尊故季孫飲大夫酒臧紇爲客此實違棄古禮豈

可爲典要乎至服云楚先歆爲盟主者實謂宋以楚爲盟主耳不言宋以者以上文有君恒以大夫爲賓之文義足相包故此不申言之非謂楚人爲主也乃孔氏不細勘服義遽云此享宋爲主非楚爲主服之妄也由于袒杜過甚遂致此失又云此則兼享晉楚大夫異於常禮以尊敬伯主之國故令趙孟爲賓若然則歆盟之時趙孟旣甘讓人燕享之時宋公復欲尊晉楚氛甚惡何以使子木帖然乎劉光伯云兼享晉楚之大夫不以屈建爲賓者賓惟一人出自當時意耳模稜之語竊所未了不若服氏援據禮經審察時事知趙孟謙抑之衷旣肯下楚卽退就賓位其說于理爲允愜耳

宜其光輔五君以為盟主也 服曰文公為戎右襄靈為大夫成

公為卿景公為太傅也

本疏

牀第之言 服曰簀謂之第

史記禮書注

案簀謂之第爾雅釋器文郭注云牀版也荀子禮論注簀牀棧也說文云簀牀棧也第牀簀也禮記檀弓大夫之簀歟鄭注云簀謂牀第也是簀第一物二名牀棧牀版亦是隨時殊稱其字从竹或即以竹為之曾子命易簀則簀是加之於牀非即以牀為簀也方言云牀陳楚之間謂之簀陳楚之間或謂之第方言是舉大名傳疏引孫炎曰第牀也本方言為說耳考儀禮士喪禮及喪大記言凡浴尸於牀及置冰牀下皆禮第鄭注皆以第

為簀禮第為去席孔疏云浴時無席為漏水也設冰無席為通寒氣也

請免死之邑 服曰向戌自以止兵民不戰鬪自矜其功故求免死之賞也

本疏

案杜云欲宋君稱功加厚賞故謙言免死之邑也此即服義正義申服謂止兵不鬪民免於死殊誤

以誣道弊諸侯 服曰弊踣也

本疏

案釋文云蔽必世反服虔王肅董遇並作弊正義曰服本作弊王肅董遇本皆作蔽謂以誣人之道掩諸侯也杜本作蔽當如王董為蔽掩之也案王肅董遇本釋文與正義異若杜本作蔽

釋文與正義實同正義曰杜本作蔽蔽當為敝若亦作蔽則當云王肅董遇杜本皆作蔽不必別出杜本作蔽矣正義實以杜本作敝當如王董為蔽句掩之也蓋掩之也即王董義正義以杜于此文無注故采王董說以疏之各本皆作蔽沿唐石經之誤疏中敝作蔽則因正文而竄易耳服云弊踣也謂弊與斃同此釋言文孫炎曰前覆曰踣前覆者不能起故兼覆亡之義宣十五年傳有以國斃襄十一年傳踣其國家是斃踣同義一曰罷者漢書高帝紀集注罷讀曰疲禮少儀師役曰罷注罷之言罷勞也莊子齊物論茶然疲役釋文引簡文注疲病因之狀斃罷聲相近故斃亦訓罷西周策兵弊于周齊策不如南攻襄

陵以弊魏注並曰弊罷也

告盧蒲癸

賈曰癸齊大夫慶封之屬

齊世家注

案三十一年傳絳縣人年長矣問其縣大夫則其屬也檀弓陳子車死于衛其妻與其家大夫謀以殉葬是春秋時仕于家者亦稱大夫故知此大夫為慶封之屬

Blank page with vertical lines for text.

春秋左氏傳賈服註輯述卷十三

嘉興李貽德學

襄公

二十八年傳陰不堪陽服曰歲為陽元枵為陰歲乘陰進至元枵陰不勝陽故温無冰本疏

案保章氏以十有二歲之相觀天下之妖祥注歲謂太歲歲星與日同次之月斗所建之辰也歲星為陽右行於天太歲為陰左行於地十二歲而小周是歲為陽也爾雅釋天元枵虛也疏引孫炎曰虛在正北北方色元故曰元枵枵之言耗耗虛之意也邵氏正義曰分野略例云自須女八度至危十五度於辰在

子為元枵也元者黑北方之色枵者耗也十一月之時陽氣在下陰氣在上萬物幽死未有生者天地空虛故曰元枵是元枵為陰也歲乘陰進至元枵者即上文歲在星紀而淫于元枵也淮南汜論訓彊弱相乘法乘加也小爾雅廣言乘凌也開元占經歲星占篇歲星歲行一次十二歲一周天十八年傳晉董叔曰天道多在西北是年歲星在亥以右行一次準之距此十一年當在星紀今加凌于元枵之次故服以乘訓傳文淫字正義據下蛇乘龍之文以規服未明服意也歲既越在元枵之次是以陽乘之而陰勿能勝矣論衡寒温篇陽氣温易坤象辭履霜堅冰陰始疑也今温無冰是陰不勝陽也

楚不幾十年 服曰此行也楚康王卒至昭四年楚靈王合諸侯

于申距今八年故曰不幾十年是謂十年不克征也本疏

案十年不克征易復爻詞

舍不為壇 服曰除地為壇本疏

案壇杜本作壇正義云服本作壇王肅本作壇而解云除地坦坦者則讀為壇也說文壇野土也鄭注祭法云封土曰壇除地曰壇與服義同昭元年傳楚公子圍逆女於鄭鄭人請壇聽命楚人曰若野賜之是委君貺於草莽也是野地除草曰壇矣祭法一壇一壇書金縢云三壇同壇壇與壇似別其實壇壇古通詩東門之壇傳壇除地町町者正義曰毛以為東門之壇又曰

襄二十八年左傳云子產相鄭伯以如楚舍不為壇外僕言曰
 昔先大夫相先君適四國未嘗不為壇今子草舍無乃不可乎
 上言舍不為壇下言草舍明知壇者除地去草矣故云壇除地
 町町者徧檢諸本字皆作壇左傳亦作壇其禮記尙書言壇
 者皆封土者謂之壇除地者謂之壇壇字異而此作壇字讀
 音曰壇蓋古字得通用也按詩毛傳是古文壇是壇之古文故
 字為壇而義則為壇也左氏傳亦古文則杜本作壇是古文服
 本作壇為今文其義則並為除地也正義曰按下文作壇以昭
 其功昭其禍若是除地草穢尋生不足以昭示後人杜言壇是
 也此孔氏申杜抑服故與詩正義所云明知壇者除地去草之

言違異至云壇不足昭示後人說亦未確金滕鄭注云時為壇
 壇于豐壇壇之處猶存焉鄭去周公時已越千餘年猶識其址
 可證壇非不能示後也

齊慶封好田而耆酒與慶舍政 服曰舍慶封之子也生傳其職

政與子齊世家注

吳句餘與之朱方 服曰句餘餘祭本疏

案杜以為夷末考慶封以冬來奔經書在十一月之前計時當
 在十月間也齊人來讓不容多日計是年尙可由魯至吳至明
 年五月餘祭始為闔弒中間四五月豈不能予邑處之是句餘
 必是餘祭非夷末也史記吳世家云王餘祭三年齊相慶封自

齊來犇吳吳子慶封朱方之縣以為奉邑與服義合

二十九年經吳子使札來聘 賈服曰夷末新即位使來通聘本疏

傳祇見疏也 服曰祇適也本疏

案正義云晉宋杜本皆作多古人多祇同音張衡西京賦云炙
炮夥清醕多皇恩溥洪德施施與多為韻此類眾矣說文祇字
下段氏注云凡假借必取諸同部如周易无祇悔釋文云祇辭
也馬同音之是反此讀祇為語辭適也五經文字廣韻作祇者
是也五經文字衣部曰祇止移切適也廣韻五支祇章移切適
也唐石經祇既平左傳祇見疏也詩祇攬我心論語亦祇以異
字皆从衣正用張參字樣而張參以前顏師古注竇嬰傳曰祇

適也音支其字从衣豈師古太宗朝刊定經籍皆用此說歟按
段說則服本當作祇借祇為之是反从衣者方言云汗襦自關
而西或謂之祇襦一切經音義十四引字苑祇被巨兒之移反
法服也不訓為適竇嬰傳師古謂祇字从衣則唐時始訓適也
孫奕示兒編云祇有兩音一音岐神祇之祇一音支訓適與唐
以前字合近世經典又以祇敬之祇作祇別于祇正義引西京
賦清醕多今文選本多作敍引廣雅敍多也音支非多字豈孔
所見本有作多字歟論語多見其不知量也集解云適足自見
其不知量也以適訓多亦謂多與祇同也
先君若有知也不尙取之 服曰不尙尙也尙當取女叔侯殺之

疏本

母甯夫人而焉用老臣 服曰母甯甯也甯自取夫人將焉用老

臣乎本疏

案杜注不尙取之云不尙叔侯之取貨注母甯夫人而焉用老臣云言先君母甯怪夫人之所爲無用責我正義云杜以其言大悖無復君臣之禮故改之劉氏炫以昭八年穿封戌云若知君之及此追恨不殺靈王其意乃悖于此蓋古者不諱之言服虔之說未必非也

請觀于周樂 服曰周樂魯所受四代之樂也吳世家注

案禮記明堂位四代之樂器也注四代虞夏商周也四代之樂

皆得稱周樂者明堂位云命魯公世世祀周公以天子之禮樂四代之樂命于周王故云周樂也

猶未也 賈服曰言未有雅頌之成功也賈義見吳世家注。服義見詩關雎序疏。

案周禮太師曰教六詩曰雅曰頌後鄭曰雅正也言今之正者以爲後世灋頌之言誦也容也誦今之德廣以美之詩序云周南召南正始之道王化之基詩序疏引鄭志云張逸問王者之風當在雅在風何荅曰文王以諸侯而有王者之化述其本宜爲風詩序又曰是以一國之事繫一人之本謂之風言天下之事形四方之風謂之雅頌者美盛德之形容以其成功告于神明者也若然則周南召南不過爲王化始基若云施齊正于天

下告成功于神明猶未也詩疏成功者營造之功畢也天之所營在于命聖聖之所營在于任賢賢之所營在於養民民安而財豐衆和而事節如是則司牧之功畢矣干戈既戢夷狄來賓嘉瑞悉臻遠邇咸服羣生盡遂其性萬物各得其所即是成功之驗也

美哉淵乎 賈曰淵深也 吳世家注

案詩定之方中秉心塞淵箋云淵深也老子深矣遠矣注深不可測

吾聞衛康叔武公之德如是是其衛風乎 賈曰康叔遭管叔蔡叔之難武公罹幽王褒姒之憂 吳世家注

案康叔遭管叔蔡叔之難者書序云成王既伐管叔蔡叔以殷餘民封康叔作康誥酒誥梓材康誥曰今惟民不靜未戾厥心是封康叔時管蔡雖誅頑民未靖賈故以管蔡之難包之其實康叔封衛在管蔡叛後也武公罹幽王褒姒之憂者史記周本紀云幽王嬖愛褒姒以為后賓之初筵詩序曰衛武公刺時也幽王荒廢嬖近小人飲酒無度天下化之君臣上下沈湎淫液武公既入而作是詩也漢書文帝紀注罹遭也言武公遭此憂康叔武公之德如是指上文憂而不困言故賈氏即遭難罹憂事以證明焉

為之歌王 服曰王室當在雅衰微而列在風國人猶尊之故稱

王猶春秋之王人也

同上。詩黍離序疏引尊之猶稱王猶春秋之王人

案張逸曰王者之風當在雅今以衰微始列於風也王風譜云於是王室之尊與諸侯無異其詩不能復雅故貶之謂之王國之變風正義曰鄭志張逸問平王微弱其詩不能復雅厲王流于彘幽王滅于戲在雅何答曰幽厲無道酷虐于民以強暴至于流滅豈如平王微弱政在諸侯威令不加于百姓乎其意言幽厲以酷虐之政被於諸侯故為雅平桓以政教不及畿外故為風也又云在風則卑矣已比列國當言周而言王則尊之故題王以當國而敘以實應故每言憫周也案僖八年經盟于洮公羊傳王人者何微者也曷為序乎諸侯之上尊王命也服引

以證風之稱王亦是意也

其周之東乎

服曰平王東遷洛邑

同上

案王風譜云王城者周東都王城內方六百里之地其封域在禹貢豫州太華外方之間北得河陽漸冀州之南始武王作邑於鎬京謂之宗周是為西都申侯與犬戎攻宗周殺幽王晉文侯鄭武公迎宜咎于申而立之是為平王以亂故徙居東都王城疏引地理志云平王東居洛邑鄭所據之文也

為之歌鄭

賈曰鄭風東鄭

同上

服曰鄭東鄭古檜國之地

詩鄭譜疏

案鄭風東鄭者別于西鄭也漢書地理志京兆郡鄭周宣王弟鄭桓公邑此西鄭也史記鄭世家云桓公東徙其民雒東而統

鄧果獻十邑竟國之此東鄭也詩譜云檜者古高辛氏祝融之墟在禹貢豫州外方之北滎波之南居溱洧之間陸德明云是子男之國後為鄭武所并焉是東鄭為古檜國之地詩譜云其國北鄰於虢故鄭兼有虢鄧之地

美哉其細已甚民弗堪也是其先亡乎 服曰其風細弱已甚攝于大國之間亡遠慮持久之風故曰民不堪將先亡也 吳世家注

案其風細弱已甚者漢書地理志臣瓚注謂音聲細弱也此衰弱之徵論語云攝乎大國之間包咸注攝迫也言鄭迫于晉楚無慮遠之謀經久之計悉索敝賦奔走強鄰以苟安旦夕財盡民離不亡何待故知其先他國亡也

泱泱乎大風也哉 服曰泱泱舒緩深遠有大和之意其詩風刺詞約而義微體疏而不切故曰大風 同上

案地理志云齊詩曰子之營兮遭我虜囷之間兮又曰俟我於著乎而此亦其舒緩之體也詩瞻彼洛矣傳曰泱泱深廣貌康誥曰四方民大和會地理志臨淄海岱之間一都會也其中具五民云如氏曰遊子樂其俗不復歸故有五方之民也服故以舒緩深遠有大和之意釋泱泱也云風刺詞約而義微體疏而不切故曰大風者舉詩旨以明大風也約者淮南主術訓注少也微者說文云隱行也疏者楚詞東皇太一云疏緩節兮安歌淮南汜論體大者節疎是也切者小爾雅廣詁廣雅釋詁並云

近也齊譜正義曰夫人不能警戒切以月出之歌挈壺氏廢其所掌責以顛倒之詠各隨所失作詩刺之若然則齊風之作因時起興援古証今學記所云微而臧孟子云言近而旨遠此其大概矣

表東海者其太公平國未可量也 服曰其為東海之表式國之興衰世數短長未可量也同上

案說文式法也表所以為法故言表式是時齊政已衰世數則歷悼簡定康而已實比鄭先亡而云未可量疑季子知者一失矣不知季札之意以泱泱大風人民和會姜氏雖替必有嗣而興者故曰國未可量明國之未可量非姜氏未可量也下文說

晏平仲謂之曰齊國之政將有所歸季固知之熟矣

為之歌幽曰美哉蕩乎樂而不淫 賈曰蕩然無憂自樂而不荒

淫也 同上

案論語曰君子坦蕩蕩小人長戚戚集解引鄭曰坦蕩蕩寬廣貌長戚戚多憂懼蕩蕩與戚戚相對則蕩蕩是無憂之貌論語樂而不淫注樂不至淫言其和也

為之歌秦曰此之謂夏聲 服曰秦仲始有車馬禮樂之好侍御

之臣戎車四牡田狩之事其孫襄公列為秦伯故有蒹葭蒼蒼之歌終南之詩追錄先人車隣駟鐵小戎之歌與諸夏同風故曰夏

聲詩秦譜疏

案秦仲始有車馬禮樂之好侍御之臣本車隣詩序也戎車四
牡田狩之事據駟鐵小戎言之服以二詩爲襄公追錄先人之
歌故係之秦仲與詩序異者或從三家說也蓋秦仲既有車馬
當亦田狩史記秦本紀秦仲莊公皆有伐戎之事則駟鐵小戎
追錄先世義或然也與諸夏同風者杜云秦本在西戎汧隴之
西秦仲始有車馬禮樂去戎狄之音而有諸夏之聲是也論語
云不如諸夏之亡也諸夏指中國

大而婉險而易行以德輔此則明主也 賈曰其志大直而有曲

體歸中和中庸之德難成而實易行故曰以德輔此則明主也

吳世

案禮之稱大雅曰曲而有直體此云直而有曲體互易其文以
訓婉也周禮大司徒以五禮防萬民之僞而教之中以六樂防
萬民之情而教之和注使其行得中使其心應和也禮記中庸
鄭目錄云名曰中庸者以其記中和之爲用也庸用也是存之
爲中和用之爲中庸其德一也險而易行史記險作儉杜云險
當爲儉字之誤也惠士奇曰史記作儉古文也古文易云動乎
儉中又云儉德辟難皆讀爲險險而易行卽易之易以知險杜
云當爲儉讀是也按惠氏以左傳本古文故謂險當爲儉至傳
義當從險故賈本作險師傳如是說文險阻難也賈謂歸中和
之德而用之始似阻難而其實行之甚易也若然以德輔此者

言以中和中庸之德也明主之明史記作盟惠舉易以知險繫
辭下曰德行恒易以知險虞翻曰險謂坎也謂乾二五之坤成
坎離日月離天天險不可升故知險者也据此則惠氏舉易証
此文者謂字當从儉義則仍為險也杜氏云儉約易行非賈義
也

自鄘以下無譏焉 服曰鄘以下及曹風也其國小無所刺譏
案詩鄘羔裘序曹蜉蝣序並云國小而迫故賈據以為說說文
譏誹也楚詞大招注譏非也淮南說林刺我行者欲與我交注
刺猶非無所譏刺謂無所是非也

為之歌小雅 服曰自鹿鳴至菁菁者莪道文武修小政定大亂

致太平樂且有儀是謂正小雅 詩小大雅譜疏

案道文武者道如孟子道性善之道周禮大司樂興道諷誦言
語小雅道述文王武王之事故言道文武也修小政者詩序云
政有大小故有小雅焉有大雅焉正義云小雅所陳有飲食賓
客賞勞羣臣燕賜以懷諸侯征伐以強中國樂得賢者養育人
材於天子之政皆小事也云定大亂者采薇序曰文王之時西
有昆夷之患北有玁狁之難以天子之命命將率遣戍役以守
衛中國故歌采薇以遣之出車以勞還杖杜以勤歸也魚麗序
曰文武以天保以上治內采薇以下治外是即服所云修小政
定大亂也致太平者南有嘉魚序曰樂與賢也太平君子至誠

樂與賢者共之也南山有臺序曰樂得賢也得賢則能為邦家立太平之基矣樂且有儀菁菁者莪文是謂正小雅者鄭氏譜云小雅十六篇為正經又曰小雅六月之後謂之變雅則六月之前白鹿鳴至菁菁者莪並為正小雅服鄭同也惟詩譜言小雅南有嘉魚下及菁菁者莪為周公成王之時詩而服僅言道文武者以序不明斥成王而魚麗序言文武以采薇以下治外則自出車至菁菁者莪皆可云采薇以下也其致太平澤四海燕諸侯錫有功雖不能指為文王時事若武王則固有之矣不必定在周公成王時也詩疏引皇甫謐曰詩人歌武王之德今小雅自魚麗至菁菁者莪十篇是也蓋傳無明徵訓詁家各以

意斷故不同如此

曰美哉思而不貳怨而不言其周德之衰乎服曰此歎變小雅也思上世之明聖而不貳于當時之王怨當時之政而不有背叛之志也其周德之衰微乎疑其幽厲之政也本疏

案知歌變小雅者以季札所言知之六月以下為變小雅詩大序正義曰以其變改正法故謂之變焉思上世之明聖者如楚茨信南山魚藻瞻彼洛矣鴛鴦于飛諸篇是已然車牽思得淑女隰桑思見君子則于當代之君猶無二心也怨當時之政而不有背叛之志者即史記屈原傳所謂小雅怨誹而不亂也云周德之衰微者詩序云至于王道衰禮義廢政教失國異政家

殊俗而變風變雅作矣惟歌變雅故知為周德之衰其是疑詞故云疑幽厲之政也六月至圻父宣王時詩亦在變小雅中而不得指宣者以宣是中興之主雖在變雅不得當周德之衰其餘皆怨刺幽厲之詩故以幽厲當之禮運孔子曰吾觀周道幽厲傷之宗周之壞無不指斥二王矣杜以為歌正小雅故其注思而不貳云思文武之德而無貳叛之心注周德之衰云衰小也注猶有先王之遺民云謂有殷王餘俗故未大近本大有衰字誤此从消熙本劉炫以服言為是而謂杜解錯繆正義袒杜謂劉言為非然其作詩正義云季札見歌小雅曰美哉思而不貳其周德之衰乎猶有先王之遺民是由王澤未竭民尚知禮以禮救世作

此變詩故變詩王道衰乃作也按此則孔亦同服氏以季札所嘆者為變小雅矣蓋其作詩正義時無左右之見亘于胸中故能同其所異也

為之歌大雅 服曰陳文王之德武王之功自文王以下至鳧鷖是為正大雅詩小大雅譜疏

案詩疏云文王大明緜棫樸思齊皇矣靈臺七篇序皆云文王早麓一篇居中從可知凡八篇文王大雅也下武文王有聲二篇序皆言武王則武王大雅也此服所云陳文王之德武王之功是也季札惟嘆文王之德而服兼言武王者詩譜云文王受命武王遂定天下盛德之隆大雅之初起自文王詩疏云以文

武道同故鄭連言之服亦此意也云自文王至鳧鷖為正大雅者按譜云大雅民勞謂之變雅若然則民勞以前鳧鷖以後列正雅者尚有假樂公劉洞酌卷阿四篇服不數者以季札惟歎文德武可牽連言之以見道同假樂以下則序指成王槩為列入與季札所美不合故以鳧鷖為斷非謂假樂以下四詩不為正大雅也譜又云生民下及卷阿周公成王之時詩也而服統為陳文武功德者以諸序皆不明指成王而據其隆盛上推祖考之休美下示子孫之平成皆可以文武起義故不與詩譜同也

為之歌頌 服曰哀公十一年孔子自衛反魯然後樂正雅頌各

得其所距此六十二歲當時雅頌未定而云為之歌小雅大雅頌者傳家據已定錄之

詩譜序疏

案自衛反魯然後樂正雅頌各得其所論語文也哀十一年傳冬衛孔文子之將攻太叔也訪于仲尼仲尼曰胡簋之事則嘗學之矣甲兵之事未之聞也退命駕而行魯人以幣召之乃歸是自衛反魯在此年也鄭氏論語注云反魯哀公十一年冬是時道衰樂廢孔子來還乃正之與服同也云距此六十二歲者阮氏詩經校勘記云浦鏜云二當作一以春秋考之浦校是也當時雅頌未定者非謂未定雅頌之名謂未定雅頌之次也周禮大師云六詩曰雅曰頌是周公之初已有雅頌之名矣至春

秋時所歌雅頌或失其次襄四年傳穆叔如晉晉侯享之金奏肆夏之三工歌文王之三歌鹿鳴之三魯語曰金奏肆夏繁遏渠周禮鐘師注引呂叔玉云肆夏繁遏渠皆周頌也肆夏時邁也繁遏執競也渠思文也據此是先奏頌次歌大雅次歌小雅以時因未定次序故參錯雜陳耳今傳于歌之次第先序小雅次序大雅然後更歌頌其篇次與孔子所正者相合明是時孔子尚幼未得正樂歌者未必秩然如是傳者從後序其事則據孔子定之次追錄之故得同正樂後之次第也

日至矣哉 賈曰言道備至也

吳世家注

案備至以音相近為訓華嚴經音義上引儀禮劉兆注備畢盡

也

遷而不淫 服曰遷徙也文王徙鄆武王居鄆

同上

案鄆與鎬同大雅詩譜疏云文王有聲云作邑于豐是文王居豐也又曰考卜維王宅是鎬京維龜正之武王成之是武王居鎬也

見舞象節南籥者 賈服曰象文王之樂舞象也

賈義見吳世家注惟舞作武通

用字服義見 節舞曲名 賈義見本疏吳世家注

言天下樂削去無

詩維清疏 賈曰南籥以籥舞也 吳世家注

案象文王之樂舞象者詩序云維清奏象舞也注曰象舞象用

兵時刺伐之舞武王制焉疏曰此詩經言文王序稱象舞則樂

象文王之事以象武為名箭舞曲名者詩序云武奏大武也注云大武周公作樂所為舞也疏云武詩者奏大武之樂歌也詩序又曰桓講武類禡也疏云桓詩者講武類禡之樂歌荀子禮論以箭與武桓同列明箭是舞曲名也杜以為舞者所執失之天下樂箭去無道者箭從削得聲而義亦因之故服說作削去頌詩如酌桓賚般皆不取篇首為名別取所志以名篇酌告成功故名酌錫子善人故名賚此名箭者以箭从削故知其取削去無道之義削之作箭猶酌之作灼蓋古字通也文王時削去無道者伐崇戡黎之事是也南籥以籥舞者禮記文王世子曰春夏學干戈秋冬學羽籥注干戈萬舞象武也羽籥籥舞象文

也爾雅釋樂大籥謂之產郭璞注籥如三孔笛而短小廣雅釋樂云七孔周禮笙師及少儀明堂位注皆云籥如笛三孔簡兮詩傳云六孔說各不同詩釋文云籥以竹為之長三尺執之以舞詩疏曰籥雖吹器舞時與羽並執故得舞名是以賓之初筵云籥舞笙鼓公羊傳籥者何籥舞是也

曰美哉猶有憾注家服曰憾恨也恨不及已以伐紂而致太平也吳世

案廣雅釋詁憾恨也文王率殷畔國以事紂恨不及已身致太平也但致太平必當伐紂服故推本言之

見舞大武者賈曰大武周公所作武王樂也同上

案詩序云武奏大武也注曰大武周公作樂所為舞也疏曰以王者功成作樂必待太平明堂位云周公攝政六年制禮作樂故知大武是周公作樂所為舞也謂之武者禮器云樂也者樂其所自成注云作樂者緣民所樂於己之功然則以武王用武除暴為天下所樂故謂其樂為武樂武樂為一代大事故歷代皆稱大也

見舞韶護者 賈曰韶護殷成湯樂大護也同上

案史記作護引賈亦作護今杜本作護其實護有護義周禮大司樂大護後鄭云大護湯樂也湯以寬治民而除其邪言其德能使天下得其所也賈疏云言護者即救護也本疏云以其防

護下民防護之護當作護故稱護也白虎通禮樂篇云湯曰大護者言

湯承衰能護民之急也漢書禮志護言救民也皆取救護之義聖人之宏也而猶有慙德聖人之難也 賈曰宏大也服曰慙于始伐而無聖佐故曰聖人之難也同上

案孟子萬章篇天誅造攻自牧宮朕載自毫趙岐注載始也此湯之始伐也漢書古今人表湯之佐如伊尹在上中仲虺在上下皆不得為聖人故曰無聖佐古文云聿求元聖傳以伊尹當之皆本孟子伊尹聖之任者也之語其實伊尹不得為聖佐故有慙德偽古文本此撰仲虺之誥矣

見舞大夏者 賈曰夏禹之樂大夏也同上

案禮記樂記夏大也白虎通禮樂篇禹曰大夏者言禹能順二聖之道而行之故曰大夏也

曰美哉勤而不德 服曰禹勤其身以治水土也上同

案大司樂注云大夏禹樂也禹治水傅土言其德能大中國也書禹貢云禹敷土隨山刊木奠高山大川孟子曰禹八年在外三過其門而不入是勤其身以治水土也

見舞韶箛者 服曰有虞氏之樂大韶也上同

案臯陶謨作簫韶鄭注簫韶舜所制樂宋均注樂說云簫之言肅舜時民樂其肅敬共紹堯道故謂之簫韶或云韶舜樂名舜樂者其秉簫乎史記作九招五帝本紀云四海之內咸戴帝舜

之功於是禹乃興九招之樂致異物鳳凰來翔天下明德皆自虞帝始周禮大司樂作大磬九磬之舞注云大磬舜樂也言其德能紹堯之道也簫韶說文作箛韶云以竿擊人也虞舜樂曰箛韶箛韶卽此傳韶箛正義云蓋韶樂兼箛爲名箛字或上或下耳服云大韶者用周禮大磬文也

曰德至矣哉 服曰至帝王之道極于韶也盡善盡美也上同

案荀子儒效云頌之所以爲至者注至謂盛德之極服故以極訓至論語曰子謂韶盡美矣又盡善也集解引孔曰謂以聖德受禪故曰盡善

如天之無不幬也 賈曰幬覆也上同

案史記作燾正字幬假字也禮記中庸無不覆幬注幬或作燾
說文燾云溥覆照也幬禪帳也攷工記輪人欲其幬之廉也注
幬幔轂之革也後漢朱穆傳故夫天不崇大則覆幬不廣注幬
亦覆皆借燾為幬而同訓為覆也

若有他樂吾不敢請已 服曰周用六代之樂堯曰咸池黃帝曰
雲門魯受四代下周二等故不舞其二等季札知之故曰有他樂
吾不敢請上同

案周禮大司樂以樂舞教國子舞雲門大卷大咸大磬大夏大
濩大武注此周所存六代之樂六代之樂獨舉堯曰咸池黃帝
曰雲門者以四樂已具傳文若言六代則猶有此二樂也大司

樂注大咸咸池堯樂也禮記樂記咸池備矣注黃帝所作樂名
也堯增修而用之咸皆也池之言施也言德之無不施也周禮
曰大咸大司樂雲門大卷注黃帝能成名萬物以明民共財言
其德如雲之所出民得以有族類者明堂位云凡四代之服器
官魯兼用之是魯之所受四代而已下二等以別于周不舞其
二者是雲門大咸季札在國本聞魯祇四代之樂知至韶舞而
止云不敢請他樂蓋託辭也

子速納邑與政 服曰入邑與政職于公不與國家之事上同
案不與之與讀如六十不與服戎之與漢書高紀集注引如氏
曰與音相干與之與不與國家之事言不必干與政事也

慎之以禮 服曰禮所以經國家利社稷也上同

案隱十一年傳禮經國家定社稷

將宿于戚聞鐘聲焉 服曰孫文子鼓鐘作樂也上同

案孫文子畔居于戚詩鼓鐘云鼓鐘將將白華云鼓鐘于宮正義皆以鼓為擊此言擊鐘作樂也

曰異哉吾聞之也辯而不德必加于戮 服曰辯若鬪辯也夫以辯爭不以德居之必加於刑戮也上同

案周禮調人凡有鬪怒者成之注鬪怒辯訟者墨子經上辯爭彼也故曰辯爭

夫子獲罪於君以在此 賈曰夫子孫文子也獲罪出獻公以戚

畔也上同

案出獻公在十四年以戚畔在二十六年

君又在殯而可以樂乎 賈曰衛君獻公棺在殯未葬上同

案經書五月庚午衛侯衎卒季札過戚時在七八月間隱元年傳云諸侯五月而葬是猶在殯也禮記王制云諸侯五月而殯

喪大記云君殯用輶櫬至于上畢塗屋注攢猶叢也屋殯上覆如屋者也

終身不聽琴瑟 服曰聞義而改也琴瑟不聽况於鐘鼓乎上同

案論語云聞義不能徙不善不能改此聞季札言而不聽琴瑟是聞義能改也白虎通禮樂篇引詩傳曰大夫士琴瑟御公羊

隱五年傳何注魯詩傳曰天子食日舉樂諸侯不釋縣大夫士日琴瑟然周禮小胥云卿大夫判縣士特縣凡縣鐘磬半為堵全為肆注諸侯之卿大夫半天子之卿大夫西縣鐘東縣磬士亦半天子之士縣磬而已是大夫當有鐘鼓若士則惟琴瑟而已故曲禮云大夫無故不徹縣士無故不徹琴瑟明大夫常縣且以見琴瑟下鐘鼓一等傳言不聽琴瑟見琴瑟且徹其不鐘鼓可知服所以申明傳意也

適晉說趙文子韓宣子魏獻子曰晉國其萃於三族乎 服曰言晉國之祚將集于三家同上

案祚本作胙隱八年傳胙之士而命之氏周語胙以天下注胙

祿也萃為集者詩墓門有鴟萃止傳曰萃集也其後三家卒分晉國果如季札之言

吾子好直 服曰不能曲撓以從眾同上

案撓說文云擾也與服義不協撓當為棟撓之撓易大過彖曰棟撓本末弱也彖以本末釋棟弱釋撓是曲撓者言曲弱而能隨眾也然說文無撓字故服作撓也

三十傳穆叔問王子之為政何如 服曰王子楚令尹王子圍也疏本

案釋文云問王子之為政一本作問王子圍之為政服虔王肅本同正義曰傳無圍字按服注則當無圍字釋文云服虔王肅

賈服言朝文 卷十三
同者亦言同無圍字本也子圍楚其王子故稱王子

吏走問諸朝 服曰吏不知歷數故走問於卿大夫 本疏○釋文引吏不知歷者

案史記歷書云幽厲之後周室微陪臣執政史不記時君不告朔故疇人子弟分散集解引如氏曰家業世世相傳為疇律年二十三傳之疇官各從其父學是治歷為名家之學故吏有不知者周禮太宰王砥治朝注治朝在路門外羣臣治事之朝故走問諸朝知問公卿大夫也

而廢其輿尉 服曰輿尉軍尉主發眾使民 本疏

案襄十九年傳軍尉輿尉皆受一命之服是軍尉輿尉各有其

職而服云輿尉即軍尉者晉語云知祁奚之果而不淫也使為元尉注元尉中軍尉也知鐸遏寇之恭敬而信強也使為輿尉注輿尉上軍尉也是服云軍尉者即上軍尉省文耳正義曰于時趙武將中軍若是軍尉當是中軍尉也此失之矣趙武主晉政此輿帥役及孤老故得以公廢之豈如行軍時各有司命乎小司徒云凡國之大事致民大故致餘子鄭司農云國有大事當徵召會聚百姓則小司徒召聚之是周官發眾使民小司徒主之今晉掌自輿帥者當時制耳知其主發眾使民者以此輿帥因役及孤老而廢則知其主發眾使民事矣

鳥鳴于亳社 服曰殷宋之祖也故鳴其社伯姬魯女欲使魯往

悟伯姬也本疏

案亳社禮記作薄社郊特牲曰是故喪國之社屋之不受天陽也薄社北牖使陰明也注薄社殷之社殷始都薄為亳之古文公羊傳作蒲社哀四年六月辛丑蒲社災蒲社者何亡國之社也亡國之社揜其上而柴其下蒲者薄之轉聲徐彥疏引賈氏云公羊曰薄社也者是公羊本有作薄社也其云亡國之社猶郊特牲云喪國之社亦指殷也何注蒲社者先世之亡國在魯竟失之白虎通社稷篇王者諸侯必有誠社者何示有存亡也明為善者得之為惡者失之穀梁傳注殷都于亳武王克紂而班列其社于諸侯以為亡國之戒哀四年傳云亳社災是魯有

亳社正義云此鳥鳴于魯國之亳社也服云殷宋之祖故鳴其社者以亳社是殷社而宋為殷後鳥鳴其上示有災也云伯姬魯女使魯往悟女者伯姬為宣公女今鳥鳴殷社以見災應于宋而鳴于魯之亳社又見魯適宋之人是欲警動魯人使往曉伯姬也

甲午宋大災宋伯姬卒待姆也 服曰不書大非災火及人伯姬坐而待之耳本疏

案不書大非災者宣十六年傳曰凡火人火曰火天火曰災公羊襄九年傳大者曰災小者曰火穀梁昭九年傳國曰災邑曰火此經書宋災不書大穀梁傳曰伯姬之舍失火可證非災及

一國矣服故曰非災言特火耳云火及人伯姬坐而待之者公羊傳云有司復曰火至矣請出伯姬曰不可吾聞之也婦人夜出不見傳母不下堂傳至矣母未至也逮乎火而死穀梁傳略同是本非大火其及人者伯姬坐待傳母之至而及之耳

大夫放

服曰淫放也

釋文

言大夫淫放

木疏

案周禮宮正去其淫怠注淫放濫也文選絕交書重增其放注放謂放蕩詩宛邱子之湯兮傳曰子大夫也湯蕩也疏曰毛以此序所言是幽公之惡經之所陳是大夫之事由君身為此惡化之使然是陳大夫淫放之風久矣杜本放作敖

三十一年

傳立胡女敬歸之子子野

服曰胡歸姓之國也

魯世家注

齊歸之子公子稠

服曰齊諡也

同上

案周書諡法解執心克莊曰齊資輔供就曰齊

穆叔不欲曰太子死有母弟則立之無則立長 服曰無母弟則

立庶子之長

同上

案昭二十六年傳王子朝曰昔先王之命曰王后無適則擇立長此立長亦謂立庶子之長然則先王之制無適則立長矣於是昭公十九年矣猶有童心 服曰言無成人之志而有童子之心

同上

案禮記冠義云已冠而字之成人之道也儀禮喪服記童子唯當室總注童子未冠之稱也少儀童子曰聽事注童子未成人

曲禮云男子二十而冠賈氏士冠禮疏云若天子之子則亦二十而冠若然則諸侯之子亦當二十而冠昭公是時年十九爲世子時猶未冠也若已立爲君則襄九年傳云國君十五而生子冠而生子禮也當有成人之度今昭公猶然童心是與未成人者同故服云然

以羸諸侯

賈服羸皆讀盈盈受也

本疏

案文選古詩盈盈樓上女注盈與羸古字通說文云盈滿器也謂滿藏之以能受也引申之故盈訓爲受

延州來季子其果立乎 服曰延延陵也州來邑名季子讓王位升延陵爲大夫食邑州來傳家通言之本疏

案延延陵者二十九年公羊傳曰去之延陵此稱延者省文耳州來邑名者成七年傳吳入州來杜注州來楚邑淮南下蔡縣今江南鳳陽府壽州卽壽春是也十三年吳滅州來二十三年吳伐州來爲雞父之戰七國大敗自後州來當常爲吳有矣昭二十七年正義云釋例土地名延州來闕則延陵州來並闕不知其處杜意當謂吳地別有州來非楚邑也然哀元年傳曰蔡于是乎請遷于吳二年傳曰吳洩庸如蔡納聘而稍納師師畢入衆知之哭而遷墓冬蔡遷于州來上云蔡請遷于吳下云蔡遷于州來則州來自雞父戰後爲吳邑久矣竊謂州來實卽此也季讓王位升延陵爲大夫食邑者史記吳世家云壽夢立而

吳始益大稱王又曰季札賢而壽夢欲立之季札讓不可是讓
 王位也禮記檀弓延陵季子適齊注季子讓國居延陵因號焉
 吳世家又曰季札封於延陵故號曰延陵季子是季札讓國時
 去之延陵後遂升為食邑故公羊傳曰去之延陵史記云封於
 延陵也云州來傳家通言之者昭二十七年季札本封延陵後
 復封州來服謂傳稱延州來者通前後所封言之耳正義曰按
 傳文謂之延陵季子則是延陵與州來必不得為一但不知何
 以呼為延陵耳或延陵亦是邑名蓋並食二邑故連書之禮疏
 申鄭注曰延陵一名延州來云春秋傳謂延陵延州來即此經
 延陵即左傳延州來明是一也按彼疏與此異者蓋各申注意

不顧鑿柄也

令尹以君矣

服曰言令尹動作以君儀故云以君矣

本疏

案孔氏曰服言以君儀者明年傳云二執戈者前矣是用君儀
 也俗本作似君若云似君不須言矣今定本亦作似字恐非阮
 氏校勘記云按此條孔本作似君而正義詳引服注明當作以
 君極為明晰

蘇州府志
卷之三
三

